

光緒順天府志

人物志八

光緒順天府志九十八

先賢八

黃岡洪良品纂

明

李三才

傅好禮

龔先進

侯拱辰

何選

岑應春

王嘉謨

邢孔陽

馬經綸

子健順

劉渠

米萬鍾

梁應澤

張邦紀

張奇勛

王溥

王好善

李天麟

鄧希皋

袁住

孫祖壽

楊春元

子光夔光龍

劉廷諫

何呈瑞

于奕正

王愛

崔玉乾

紀汝清

王珍

賈應鶴

宋一鶴

王來聘

陳所聞

曹鳴鶴

任之華

王淨懋

張文廷

子士壽

紀克揚

鄧廷訓

周騰蛟

阮漢聞

朱之馮

子永慶

劉文炳

弟文耀文炳

鞏永固

成德

金鉉

王承恩

高時明

申湛然

劉德濟

史可法

閻應元

米壽圖

黃飛

崔子忠

王嘉猷

曹廣據

顧仲禮

揚小兒

杜輔張法保楊

陳霖 李秀 張坤 裴成錦 丙國南 成仁 趙昇 翼然勝 賈懋 孫雄 侯頭 萬盛

劉緝 芮國大 王重 劉輔兒 方策 萬

袁重 楊一訓 吳端卿 歐俊

周尙文 祝綸

劉懷義 孫雄 侯頭 萬盛

王萬

歐俊

樊	淮	李	劉	吳	韓	城	禾	陳	敦	邦	魏	邦	芳	午	宏
夢	惟	薛	政	承	鵬	朱	余	英	木	才	袁	彥	李	薄	呂
斗	新	天	元	錫	楊	光	之	王	李	張	朱	周	棟	敦	棟
	王	培	劉	耿	誠	祚	祥	鼎	誌	填	錦	嵩	復	復	潘
	時	張	士	從	張	王	緝	雙	程	齊	宋	庫	劉	范	滋
	可	應	登	王	增	政	包	行	惟	綱	天	才	學	景	李
	孫	捷	劉	顧	真	行	馬	宋	遠	孔	田	張	光	瑞	彪
	育	王	自	真	楊	五	奇	貴	趙	廷	迎	銳	業	崔	苗
	豪	姚	成	仁	謙	鄭	李	安	昌	郭	楊	龍	于	光	必
	賈	鎮	董	蔡	楊	安	瑒	瑒	郭	郭	郭	龍	蕃	業	進
	國	雄	中	士	惟	瑒	中	中	武	郭	郭	龍	蕃	業	李
	賈	賈	行	迎	孝	瑒	中	中	武	郭	郭	龍	蕃	業	致
	賈	賈	陳	鄭	王	景	李	李	武	郭	郭	龍	蕃	業	中
	賈	賈	佐	守	倉	春	機	康	武	郭	郭	龍	蕃	業	浩
	賈	賈	李	鄉	王	春	機	康	武	郭	郭	龍	蕃	業	張
	賈	賈	光	王	度	春	機	康	武	郭	郭	龍	蕃	業	改
	賈	賈	代	度	度	春	機	康	武	郭	郭	龍	蕃	業	和
	賈	賈	錫	度	度	春	機	康	武	郭	郭	龍	蕃	業	楊
	賈	賈	卿	度	度	春	機	康	武	郭	郭	龍	蕃	業	定
	賈	賈	卿	度	度	春	機	康	武	郭	郭	龍	蕃	業	劉

明

李三才字道甫通州人萬曆二年進士授戶部主事歷郎中與南

樂魏允貞長垣李化龍以經濟相期許及允貞言事件執政列傳

帝責允貞言過當明史魏允貞傳三才抗疏直之坐謫東昌推官再遷南

京禮部郎中會允貞化龍及鄒元標竝官南曹益相與講求經世

務名藉甚遷山東僉事所部多大猾積盜廣設方略明史別傳悉禽滅

通州民歌思之明史紀事本末六十六尋以右僉都御史總督漕運巡撫鳳

陽時礦稅使四出攘奪公行稅監陳增尤甚通州高志數窘辱長吏獨

三才以氣凌之裁抑其爪牙肆惡者嘗密令死囚引為黨執捕殺

之增為奪氣通鑑輯覽一百一十二姦民趙占元李大榮等以礦稅故起為

盜三才捕斬之通州高志再疏陳礦稅之害明史列傳略曰自礦稅繁興萬

民失業陛下為斯民主不惟不衣之且併其衣而奪之不惟不食

之且併其食而奪之征推之使急如星火搜括之令密如牛毛今

日某官擊問明日某處怠玩稅課罷職上下相爭惟利是聞加以

無賴亡命假旨取財得銀方止如此者聖心安乎否乎且一人之

心千萬人之心也皇上愛珠玉人亦愛溫飽皇上愛子孫人亦愛家室皇上欲使黃金高如北斗而不使百姓有糠粃皇上欲子孫千萬年而不使百姓有一朝夕試觀往籍幾有朝廷如此政令天下如此景象而不亂亡者哉

歷代名臣言行錄二十四 踰月未報三才又上言臣爲民請命月餘未得請聞近日章奏凡及礦稅悉置不省此宗社存亡所關一旦泉畔小民皆爲敵國風馳霧鶩亂衆麻起陛下塊然獨處卽黃金盈箱明珠填屋誰爲守之亦不報三十年帝有疾詔罷礦稅俄止之三才極陳國勢將危請亟下前詔不聽清口水涸阻漕三才議濬渠建閘費二十萬請留漕粟濟之督備侍郎趙世卿力爭三才遂引疾求去帝惡其委避許之

明史南北臺省列傳 交章乞留御史史學遷疏言陛下以陳增故去三才非所以抑姦邪扶正氣不報三才遂去淮之徐州連疏請代未得命會侍郎謝

杰代世卿督儲復請留乃命三才供事俟代者帝亦竟不遣代也

明年疎言天變人離睢州又有巨盜請免徵求以紓民困亦不報

通州高志既而睢盜就獲三才因奏行數事部內晏然明史列傳欽人程守

訓以贊官中書為增參隨縱橫自恣三才劾治之得贖數十萬增

懼為己累亦搜獲守訓違禁珍寶聞於朝論死遠近稱快通鑑載

二願慮成之講學東林也好臧否人物三才撫淮久結交徧天下

與憲成相得尤深三才揮霍有大略以折稅監得民心淮徐歲祲

又請振卹獨馬價准人愈德之三才屢加至戶部尚書內閣缺人

建議者謂當參用外僚意在三才及都御史缺需次內召由是忌

者日衆謗議紛然工部郎中邵輔忠首劾三才大奸似忠大詐似

直明紀四三才四疏力辨且乞休給事中馬從龍御史董兆舒彭

琦十七吾南京給事中相繼為三才辨大學士葉向高言三才已杜門

待罪宜速定去留為清政計

明史一

時劾者救者朝端聚訟

高州志

前吏部郎中顧憲成遺書葉向高謂三才至廉至淡莫勤學力行

為古循儒當行劾以服諸臣心

明史紀事本末六十六

又貽書孫丕揚力辨

之明紀四十七

御史吳亮刻之邸鈔中攻三才者大譁

明史顧憲成傳

御史喬

應甲劾三才十貪五奸帝皆不省三才請罷疏十五上久不得命

遂自引去帝亦不罪三才既家居忌者慮其復用御史劉光復劾

其盜皇木營建私第侵奪官廩為圍囿三才憤甚自請籍其家又

請請臣勅帝命御史李儀徵給事中吳亮嗣往劾

通州高志

其明年光

復坐事下獄三才陽請釋之而復力為東林辨白曰今奸黨營正

之言一日東林一日淮撫所謂東林者顧憲成讀書講學之所也

從之游者如高攀龍姜士昌錢一本劉元珍安希范岳元聲薛敬

敷竝束身厲名行何負國家哉偶曰東林便成陷穽如鄒元標趙

南星等被以此名即力阻其進所朝上而夕下者惟史繼偕諸人耳人才邪正實國祚攸關惟陛下察焉疏入衆益恨之亮嗣既往

勤久之無所得第如光復言還報遂落職爲民明史列傳天啟二年復

起戶部尙書未上卒後魏忠賢亂政其黨御史石三畏

追劾之詔削籍奪封誥崇禎初復官通州高志三才英邁豪雋傾動士

大夫負重名當世才大而好用機權明史列傳由是爲衆所忌毀顧擊

三才者若邵輔忠徐兆魁輩咸以附魏忠賢名麗逆案而推轂三

才若顧憲成鄒元標趙南星劉宗周皆爲時名臣故世以三才爲

賢三才所著有雙鶴軒詩集灼艾集無自欺堂稿誠恥錄行世通志

高志

傅好禮字伯恭固安人萬厯二年進士知涇縣擢御史嘗陳時政

請節游宴停內操罷外戚世封止山陵行幸又上崇實杜漸請疏

語皆剽直巡撫浙江崧大稜條上荒政行部湖州用便宜發漕折

銀萬兩易粟賑飢

明史列傳

自陳擅發罪上特宥之

後輔唐志七十一

改按山

東秦安州同知張壽明當貶秩文選耶謝廷竊用為永平推官謂

州同知六品而推官七品也好禮馳疏劾其非制廷竊坐停俸壽

明改調好禮尋謝病歸召進光祿少卿改太常

明史列傳

時稅使四出

奸民張禮等偽為官吏羣小百十人分據近京要地稅民間雜物

弗予捶至死

明紀四十四

好禮上疏極論其害

一統志

因言自朝鮮用兵

畿民富者貧貧者死思亂已久奈何又虐征之國家縱貧亦不當

頭會箕斂括細民續命之脂膏况奸徒所得十萬輸朝廷者什一

耳陛下何利為之奏入四日未報

明紀四十四

復具疏跪闕下三日神

宗震怒降廣昌典史既而上思好禮言下其疏誅奸民張禮等二

十八人害乃除

畿輔唐志

好禮之官未幾請急歸家居十五年卒

明史列傳

天啟中贈太常卿一統志崇祀鄉賢祠子商衡字伯含孝友稱於閩

里曾舉優行同子生員國樞國樑儒士國楠俱死節國安陳志

龔先進字彬庵密雲人居鄉愿恪以孝友稱萬厯六年授湖州府

通判時郡頽歲水災漂沒民舍先進設法全之既丁外艱服闋補

大同府通判署懷仁縣知縣值荒旱民飢肆市皆罷乃為發倉廩

停征徭齋心步禱甘霖沾足俄以忤權貴左遷陝西布政司知事

秩滿補鳳陽府通判為政簡易不事催科歲當徵下縣漕米頑猾

多逋賦上官將待其逾期劾之民間微聞是言爭先輸納訖事反

在諸邑先上官喜將列課最先進已絕意進取遂解組歸杜門不

出地方有司重其人每造廬存問之卒年八十三子翼明戶部員

外郎孫蕃錫興安府知府密雲薛志

侯拱辰大興人畿輔唐志尚壽陽公主明史公主傳拱辰夜歸府遇一

人假蹇太甚執而撻之少頃則有中使趙祚者倚醉入府扭結拱

辰寤辱甚至詢之則被撻者其家奴而祚則永甯公主所役也拱

辰憤甚上疏旨下笞祚而已仍戒拱辰毋生事野獲編補遺一拱辰掌宗

人府明史公傳五十餘年凡所建言皆慷慨切直萬厯中青宮久虛

廷臣擬上疏莫敢首署名者拱辰曰會典以宗人府為文職第一

願首署名至冊封代王與挺擊獄起拱辰據經引義無所顧忌固

事考定叢輔唐志卒贈太傅諡榮康明史公主傳案明史以壽陽公

與讓考劉若愚酌中志沈景倩野獲編均以嫁侯拱辰者為壽甯

公主嫁冉興讓者為壽陽公主若愚親給事官按景倩亦當時人

問見較確疑明史之誤姑存以俟考何選字靖卿宛平人萬厯十一年進士除南昌知縣徵授御史明史

傳十四年給事中美應麟首抗疏請立元嗣為東宮貶廣昌典史

大學士申時行率同列再請建儲不聽通鑑輯覽二選語鄭貴妃

弟國泰以朝野公論鄭氏禍福懇言於妃俾自請國泰猶豫唐志

七十選厲色責之曰若不及今為身家計吾儕羣擊之悔無及矣四

國泰懼乃入告於妃且疏請早定以釋危疑明史已知出選意銜

之唐志未幾吏部議調驗封員外郎鄒元標於文選疏六日不下

選以為言帝憶前事謫湖廣布政司照磨稍遷南京通政司經歷

刑部缺員外郎吏部擬用選帝憾未釋謂特降官不當推舉切責

尙書孫丕揚等而斥選為民明史天啟中贈光祿少卿一統

岑應春字繹仁本徽州汪氏父宗沆挈家之京師應春生三歲父

歿母貧不能自存改適州吏岑某撫於岑遂從岑姓為通州人好

學工文聲譽早著登萬厯十四年進士授工部屯田司主事營山

陵與中官相忤出董清河陶務清河人歲辦陶千里輸納所司核

當否乃返陶所受直然曰辨曰輸曰核無不為陶人難者清河人

輒以陶死比受直又多侵蝕應春饋之爲立法甫陶出卽子直附糧艘赴納屬所司曰陶所已核勿再擾也疏請勒石以紓陶人困備兵東充荒多盜人相食悉心賑濟盜賊旋息遷岢嵐副使爲設新障百八十里邊人稱岑公堡焉卻羨婚絕供應政績卓然朝議有論清不如法者詔鑄秩向所忤中官中之也年五十五卒葬州城南後十餘年清河人段世正過墓所猶感治陶之德痛哭拜

奠而去子廣序歷官監司苑馬寺卿

通州高志

王嘉謨字伯俞順天人父應祥以武舉官至署都督僉事有善行同巷有張翁者疾革語其子曰吾觀里中爲善最篤者莫如王干兵吾將受生其家矣汝欲見盍訪之張翁逝其子走叩都督家嘉謨果生矣生而穎慧異常成萬厯丙戌進士授行人奉使列藩餽遺無所受以才望選禮科給事中

宛平疏請建太子因災變請上

修省糾參權璫田義八罪等奏直聲震一時陞授陝西參議調四

川參政平播首之變以終養告歸大興卒於家嘉謨生平好讀書

不妄交游著有薊邸集四十卷宛平王志

邢孔陽字公昭文安人萬厯進士魏輔唐志七十四授行人奉使冊封高

麗事竣賜金幣晉戶部主事郝元標計部邢孔陽傳督代州餉羨金萬

餘司吏以獻孔陽峻卻之遷郎中管通州漕儲河道事時河決不

時魏輔唐志疏論治河者欲復故道以殺河流治漕者引河流以濟運

艘各言所便今引流緩沁衛不可忘漕宜修海運不可棄遺屬邑

分淪勿逼而南由清入海別引沁水從魏博折而東之以資運漕

俾南入海旱俾東入運儀瓜北河流如帶當宿重兵防扼吭焉築

堰疏流為急治洪建閘為上合二臣職掌而一之有攸濟矣總河

中丞潘季馴嘉孔陽議可經久之通倉有三成處西鄙陸運較

水運倍孔陽相地形疏渠自南徂西抵倉三里許用力寡而見功
多通人甚賴之押運官有返帆銀入府染指者恆侵半孔陽給時
封識如舊會陝西告災司農欲移京粟萬餘由漕運達河南令南
陽汝甯陸運於潼關孔陽聞之馳書告司農曰移粟之役是以三
十鍾致一石將斃河南而緩陝西之救何若馳一吏入羅關內借
支省藏京粟航於中州令富室糴之入饒關內以補借支之數且
免陸運之役是萬夫跋涉一吏代之千里餽糧一旦甦息矣卒從
其議民皆樂於輸助開口自大通橋至通州共六啟閉爲蓄水通
運計適豪商運皇木由閭達京以省陸運之費孔陽柅之謂闢設
爲糧計非爲木計萬一木植衝閉咎將誰歸商借與援請益力孔
陽持益堅抗疏上聞以此當途皆衝之遂拂袖歸兩臺屢以人才

疏薦孔陽堅不起年七十餘卒

邢孔陽傳

馬經綸字主一通州人萬曆十七年進士明史列傳授山東肥城知縣

挾仁贈編以往仁贈編者皆集先達格言以為治具者也至任以

召募代徭役以浮羨充丁糧闕至道書院以課士易土城以石繕

修堅固既竣曰民罷矣引邛邑隔徵例請寬歲額若干考最擢監

察御史時尚書孫丕揚奏丁此呂貪縱戎政侍郎沈思孝疏救此

呂經綸以思孝為首禍之臣請斥罷大意謂息辨胎以息禍胎息

正人君子之禍以息宗廟社稷之禍語多切直時論寔之又因海

防兵諫疏陳五策并條上邊薊五事通州高志帝素惡諸言官欲因罪

之明紀四十三時以兵部考察不當上意以兩京科道不言旬日中被

斥三十有四人中外震恐通州高志趙志皋等申救至再孫丕揚在告

亦借九卿力諫石星請罷職以寬諸臣皆不納陳于陛又特疏申

救帝怒命謫降者悉調邊方雜職丕揚等以詔旨轉嚴再疏乞宥

帝益怒盡斥爲民

明紀四十三

經綸憤甚抗疏曰頃奉嚴旨斥逐南北

言官臣幸蒙恩罰俸供職今日乃臣諫諍之日矣陛下數年以來

深居靜攝君臣道否中外俱抱隱憂所恃言路諸臣明目張膽爲

國家裁辨邪正指斥奸雄雖廟堂處分未必盡協輿論而搢紳公

議頗足維持世風此高廟神靈實鑒佑之所資臺省耳目之用大

矣陛下何爲一旦自塗其耳目耶夫以兵部考察之故而罪兵科

是已乃因而蔓及於他給事又波連於諸御史去者不明署其應

得之罪留者不明署其姑恕之由雖聖意淵微未易窺測而道路

傳說嘖有煩言陛下年來厭苦言官動輒罪以瀆擾今復變而以

箝口罪之夫以無言罪言官言官何辭臣竊觀陛下所爲罪言官

者猶淺之乎罪言官也乃言官今日之箝口不言者有五大罪焉

陛下不郊天有年矣會不能援故典排闥以諍是陷陛下之不敬

天者罪一陛下不享祖有年矣曾不能開至誠牽裾以爭是陷陛下之不敬祖者罪二陛下輟朝不御停講不舉言官言之而不能卒復之是陷陛下不能如祖宗之勤政罪三陛下去邪不決任賢不篤言官言之而不能強得之是陷陛下不能如祖宗之任人罪四陛下好貨成癖御下少恩肘腋之間叢怨蓄變言官俱慮之而卒不能批鱗諫止是陷陛下甘棄初政而弗獲克終罪五言官負此大罪陛下肯奮然勵精而以五罪罪之豈不當哉奈何賈之箝口不言者不於此而於彼也日者廷臣交章論救不惟不肯還職而且落職爲民夫諸臣本出草莽今還初服亦復何憾獨念朝廷之過舉不可遂大臣之忠懇不可拂陛下不聽閣疏之救改降職爲雜職則輔臣何顏是自離其心腹也不聽部疏之救改雜職而編氓則九卿何顏是自戕其股肱也夫君臣一體元首雖明亦賴

股肱腹心耳目之用今乃自塞其耳目自離其腹心自戕其股肱
陛下將誰與其理天下事乎夫人君受命於天與人臣受命於君
一也言官本無大罪一旦震怒罪以失職無一敢抗命者既大失
人心必上拂天意萬一上天震怒以陛下之不郊不禘不朝不講
不惜才不賤貨咎失人君之職而赫然降非常之災不知陛下爾
時能抗天命否乎臣不能抗君君不能抗天此理明甚陛下獨不
思自爲社稷計乎明史列傳疏上帝大怒亦貶三秩出之外明紀四經
綸既獲謹工部都給事中海陽林熙春等上疏曰陛下怒言官絀
默斥逐三十餘人臣等不勝悚懼今御史馬經綸慷慨陳言竊意
必溫旨褒嘉願亦從貶斥是以建言罪耶抑以不言罪耶臣等不
能解也前所罪者既以不言之故今所罪者又以敢言之故令臣
等安所適從哉明史列傳帝益怒加貶經綸爲典史後南京御史林培

疏陳時政帝遷怒經綸竟斥為民既歸杜門卻掃凡十年易簣時

友人張祥來視曰到此全要主持答曰學道有年到此時纔是學

道正容端坐而卒年四十四州人巷哭肥城人爭來視喪通州門高志

人私謚問道先生一統志天啟初復經綸官贈太僕少卿祀鄉賢子

健順通州高志

健順字貞元少孤能讀書崇禎初貢生同學韓登瀛好內典及諸

禪語錄健順獨究程朱宗旨以經傳格言為本然亦時露超悟或

問讀古書苦不解又不能憶奈何健順曰淵明不求甚解東坡不

求甚熟得此二法能解能憶矣將卒告諸子曰君子不憂不懼吾

不能也吾所謂知憂懼者也卒年四十九馬健順傳

劉渠字玉川保定人修幹闊臂鵝勇絕人游京師肄業武庠遂精

騎射萬厯壬辰倭寇朝鮮國王李昫棄玉京奔平壤倉皇求救明

以朝鮮屬國爲還左脣齒以大將軍李如松往援之募壯士與俱渠仗劍往從之凡兩載克復平壤前敵斬倭首有功凱旋授錦衣衛中所試百戶世襲復歷京營參將時京城外海子等處響馬數十縱橫劫掠渠悉擒無遺路不爲梗邊卒數百人譟殺其帥取路路河而南且行且掠晚宿民家汚人婦女渠偵得之引兵夜趨盡撲殺之當事上其績進正千戶丁巳遷延綏東協副總兵值套寇薄邊渠伏兵以待及至發伏縱擊之遂獲全勝兼得馬駝牛羊無算於是大刀劉將軍之號時與劉挺齊名朝廷數下璽書褒美戊午因撫順等城告急又令鎮守薊永山海兼備倭總兵署都督僉事移鎮山海應援薊遼辛酉命提調出關援遼遷都督同知駐守盤山驛賜蟒玉加太子少保掛授遼前將軍印駐劄高平堡時經峇熊廷弼與巡撫王化貞議論不合渠歎曰勢值盤錯尤宜同心

決策以弭禍患今齟齬若此胡以濟平會警報星亟渠擐甲乘堅
東至沙嶺伏兵起四面合圍自辰至酉奮臂疾呼激勵將士莫不
爭盡死力終無一旅相援渠登高四望知勢不可支遂以將軍印
付家人黃雄等上還朝廷望闕叩頭曰臣荷重恩夙夜思維以圖
報効今血力已竭惟有粉身以謝耳言訖躍馬突圍日皆盡裂力
戰既久血鎧盡赤身矢蜃集遂歿於陣歿之夕有大星殞於東北
其聲如雷子二長應捷次應宜世襲錦衣衛柴經國劉將軍傳
米萬鍾字仲詔宛平人畿輔唐志萬厯二十三年進士明史文苑傳令
永甯銅梁調六合入爲大理評事由戶部郎歷陞至江西按察使
山東右布政使大興張志工書與董其昌齊名時稱南董北米一統志逆
聞魏忠賢方毒禍朝紳萬鍾與之鄰聞求其書翰不應又屬其私
人謂能少屈卽上卿開府可得也萬鍾笑曰乃公卽願富貴少年

時稍垂頂沒肩上卿開府已久今老矣豈有三十年共姜垂老獻

笑者乎拒之甚力閻怒無以中之會從江石歸道經南京守備太

監為閻構生祠聞其至奉幣求為文以頌上公萬鍾斥其人去閻

聞益怒大興張志嗾倪文煥劾為黨人歲輔唐志遂削籍崇禎初起太僕少

卿卒官明史文苑傳生平好石人稱為友石先生大興張志家藏一研山有

七十二峯洞壑奇絕每天欲雨則水出欲霽則先燥萬鍾以五百

金購之又寶一風字硯萬鍾知六合縣時嘗入覲往返兩月餘硯

墨猶未燥也池北偶談十九嘗構漫園勺園又構湛園標園中佳勝為十

八題因哀集一時賦詠類為湛園雜詠四庫全書提要一百九十三所著有澄

澹堂文集十二卷詩集十二卷易義四卷象緯兵鈴十二卷石史

十六卷南北史宮詞二卷琴史八卷奕史四卷篆隸考訛二卷子

壽都大興張志

梁應澤字射侯宛平人萬曆二十三年進士授戶部主事尙書重
之凡章奏皆屬焉壬寅簡徽州知府緝猾胥投稅奄害民者置諸
法郡例十歲核富民之市產稅其價什一充邊餉奸弁通礦奄誣
徽甯匿契稅十五萬前撫按不能執以四萬二千五百有奇進充
左藏奄涎視未已應澤申明續收類收之別絕奄覬覦奸民有指
仇家程氏山木爲己產獻闕下者屬江西稅璫採辦展轉無所得
因誣他販木商及程之同姓爲窩採以肆其虐應澤分別明確釋
之坐誣奏者罪郡額織造留四司班料匠輒之半當之後以轉造
增派議加於田畝應澤請全留四司料免派三年中始終執法以
與閹抗率類此宛平志擢河南副使兼攝數道事案牘山積判決詳
敏大典忤巡按以計典罷去辛亥復以副使爲陝西鳳邠道至卽
張志均理韓藩宗田以準宗祿皆有制而無擾巡行固原涇州平涼三

州縣見其崖峻谷深獷獮出沒建墩堡練義勇以為保障計宛平志

攝苑馬寺卿陳馬政八議大典丁內艱服闋補山西參政管河東

道陞雲南按察使整肅紀綱漢人之構譽於生熟夷者特峻其法

以忤巡撫左遷仍授平涼參政去前任已十四年矣宗田之法久

弛侵漁陵虐民不能堪應澤為按戶履畝問民田入宗宗田入民

之數為宗別立里甲禁民之售田於宗者於是宗民不相擾害明

年以按察使改江西九江道時逆閹魏忠賢流毒搢紳江西為甚

浮梁黃中介以甲子殺刑疏忤忠賢拷掠汪文言誣賊二千中介

罄產不敷其數應澤資助之乃獲免宛平志陞河南右布政轉山東

左布政時以白蓮賊添設東兗兵防又以東事增置德州援兵事

出近例無額餉皆仰給藩司應澤悉心調濟沛然有餘而民賦不

增丁卯擢右僉都御史撫治鄖陽應詔陳天下大計兵餉為先宜

使戶兵督撫合爲一人籌餉練兵合爲一事又言毛文龍非有大志當核其兵幾何駐兵何地度兵力未厚不能大舉宜休兵屯田生聚教訓無專倚辦於餉以寬民力鄖陽自成化初劉千斤石和尚之亂始設鎮崇禎己巳流賊出沒川陝討殲之會都城戒嚴天下督撫赴援鄖撫最先三年考績加右副都御史四疏引疾歸里卒應澤內行純孝爲治求實用不爲文飾著有守微錄關西末議涇原考晉議東藩稿撫鄖疏草國朝文憲考人物記朝政記宋韓忠獻李忠定經濟畧諸書子以枏以樟以桂並負才名時有三梁

之目

大興張志

張邦紀字完樸大興人少以文章知名萬曆二十六年進士授簡討三校禮闈一主楚試得士甚多充東宮講官反覆披陳太子爲之竦息以堯天啟中預料璫禍將興堅臥不起有談朔洛事笑而

不答舉觴微屬之而已黃道周每亟稱之仕終禮部左侍郎兼翰

林院學士卒贈禮部尙書諡文愨

大興張志

張奇勳寶坻人萬曆二十八年舉人少穎悟至性過人天啟中時事日非奇勳每閱邸抄愀然泣下崇禎丙子

大兵攻寶坻城垂拔百姓紛紛逃竄奇勳獨不去介而馳欲助知縣趙國鼎固守聞師已入矣還舍驅妻子令投井死出就國鼎所遂見執語多不遜乃殺之舉人王溥任潞城縣知縣秩滿擢衡州通判以疾歸

大兵狴至溥助國鼎死守城破或勸溥去溥曰奈何負趙公但揮其子鼎呂山曰先人一服汝延之吾舉命於此矣關門殉者二十

餘人

寶坻洪志

王好善字元甫寶坻人萬曆二十九年進士任開封府推官聽斷

若神嘗一夕夢歐陽永叔詣階下求脫心怪之旦日治簿書見有
蘇繼歐者曰異哉兆矣遂力雪其冤蘇後卒成進士他所出疑獄
囚凡三十餘會河決朱家口衆議紛紜好善請疏下流以殺其勢
如言果無恙調青州擒妖賊柳廷瓚等梟之除十虎之爲民患者
境藉以安內遷工部都水司員外郎命督清江厥通運便商計稅
額工料所羨注籍上之居淮三年塞決河築戍樓江淮人肖像以

祀再轉虞衡司員外郎出守鳳陽甫赴任而卒

寶坻
洪志

李天麟字仲仁順天人

畿輔唐志
七十八

萬厯三十年爲關南守

北學發
瀾七發

明理學言簡而醇嘗曰孔門宗旨只是求仁惟顏曾得其宗舍求
仁之外別立宗旨恐非授受之真

畿輔唐志

張子西銘一篇形容仁者

天地萬物一體可謂曲盡朱晦菴以仁爲學以敬爲存之道都是
孔門家法孫徵君鍾元曰吾鄉理學一脈寥寥其人若仲仁名雖

不著而北方之學者莫之或先殆實勝而不求聞達者乎

北學編七

鄧希舉字襄雍大城人少而穎異日誦萬餘言萬曆三十一年舉人授蒲臺令蒲有嵯利甚巨希舉至悉屏去士民懷之遷鳳陽通判分理正陽鎮關利頗饒希舉不為染一切常例痛除之且勒石以垂永禁內遷刑曹值內豎擅權獄多羅織希舉獨秉正主持所全活者甚衆出知衛輝府閱月以艱歸筮仕二十餘年廉介自守不營利不廣田宅迄今子孫繁盛極一時君子之選鄰郡以及長安莫不知有平舒鄧氏也

太守鄧公傳

袁住通州人日為馬侍御家傭水李贄寓於馬氏多媢罵指紳輩相接或終日不與語一見住輒曰好男子或一日不見輒日目中何無袁住然住形貌猥瑣傭水外無他能無以異衆人也贄死詔獄方署尸腐馬氏諸僕無敢近者獨住直前抱持痛哭殮含曲盡

其事居易錄

孫祖壽字必之昌平人萬厯中武舉人一統志武鄉試歲餘案明史亦作舉

試非麻武會授固關把總天啟二年歷官署都督僉事為薊鎮總兵官

孫承宗行邊議於薊鎮三協十二路分設三大將以祖壽領西協

轄石匣古北曹家牆子四路駐遵化而江應詔領東協駐關門轄

山海關一片石燕河建昌四路馬世龍領中協駐三屯營轄馬蘭

松柳喜峰太平四路經略王在晉總督王象乾僉謂永平設鎮本

以衛山海今移之三屯則去山海四百里於應援為疎遵化去三

屯止六十里今竝列兩鎮於建牙為贅請令世龍仍鎮永平以東

協四路分隸世龍應詔而以中西二協專隸之祖壽仍鎮三屯章

下兵部署事侍郎張經世議如其言承宗堅執如初乃命祖壽移

鎮遵化明史七年五月

列傳

大兵圍錦州分兵掠甯遠明史滿祖壽赴援不敢戰被劫罷歸明史

列傳崇禎二年

大兵下遵化因進軍薄京城營於城北土城關之東總兵官滿桂

入援通鑑輯覽祖壽已罷官家居乃散家財招舊部曲數百人唐志七

十六唐志七從滿桂赴關明史帝趣桂出師桂言眾寡勢殊未可輕戰

中使趣之急不得已乃督祖壽等移營南城外三里許列柵以待

明日味爽

大清以精騎四面蹙之桂及祖壽等戰不支遂俱歿通鑑輯覽帝

親為文祭之祖壽初為把總時幾輔遘危疾妻張氏割臂以療絕

飲食者七日祖壽生而張氏旋死遂終身不近婦人及為大帥部

將以五百金遺其子於家卻不受他日來省祖壽賜之酒曰卻金

一事善體吾心否則將盡法於汝其秉義執節類如此一統志

楊春元字仁甫固安人尙榮昌大長公主拜駙馬都尉特進榮祿大夫父卒哀毀不勝扶輿歸葬徒步百餘里廬於墓側居母喪七日不食衣不解帶者三月蟻蝨滿體不捫拾竟至羸瘠而死子光夔字允諧太子太師左都督特進榮祿大夫爲楊左諸君子屢忤逆璫人高其節義謂其有父風云光龍字允納中軍都督府都督僉事崇禎甲申流寇之變奉命巡緝京城城陷投泡子河井中死家人莫知後數日遇僧告知始知死所固安陳志

劉廷諫字咸仲號良哉通州人萬厯四十七年進士授刑部主事

通州高志甚有名譽綱目三編有陝西民首韓宗功等數十人爲奸細

三法悉議辟廷諫曰廷尉天下之平若但據首詞遂律以叛何平之有御史楊璉然之行令察覆得釋者衆調吏部郎中畿輔唐志

忤魏璫罷崇禎初通州高志遷郎陳啟新上書請廢制科罷行取疏下

部議廷諫力言其謬得不行兵部尙書楊嗣昌奪情莅事廷諫上
疏諫不納義輔唐志時僉派經紀運糧通民苦累廷諫力陳當事疏免
司漕中官誣倉役侵糧廷諫亟請大司寇上聞龔文等十五人得
出獄前後在吏二十年以耿介見泥不調甲申徵拜僉都御史卒
所著有雪菴初集次集白雲廬司銓奏草都下草退谷隱言年譜

紀略

通州高志

何呈瑞字易洲文安人天啟四年舉人崇禎八年署冀州學正擢
儀封知縣凡便民去蠹之政如河口總稅小車腳店埠頭諸積弊
倚周藩爲城社毅然革除是時流寇猖獗李自成爲最強橫行顯
中州其士卒善攻城冒牛革持鋏鋤潛伏其下矢刃不能及故所
攻無不克自開封歸德間州縣以數十計長吏多聞風棄城去呈
瑞獨誓衆堅守以身殉城士民咸泣用命親立矢石間與賊格鬪

會夜城忽圮數堞呈瑞身操畚鍤率士民築之令壯士持短兵接戰老弱助版築未明而就賊驚以爲神又手製火燧火箭以新裁變古法毒火烈燄所投必焦灼賊僵屍委積獲渠魁數十人於是夜引去終呈瑞在邑竟不敢薄城下撫按論城守功報呈瑞最遷信陽知州時信陽已爲賊據乃之汴梁汴被困日久呈瑞受事圍城中監粥厥贍貧民所全活甚衆不數月黃河潰決全汴爲魚呈瑞僅以身免至今儀封人追述其城守時事尸祝猶不忘云

王崇簡儀

封何易洲傳

于奕正初名繼魯字司直宛平人性孝友父歿讓財於兄弟自居荒園終日讀書工爲詩歌好游名山常言秋山巖淨澹峙如有道高人每於霜清木老時策蹇而往或攀枯藤坐危石慨然賦詩有超世之概其所交往皆當世名人尤與楚譚元春劉侗友善嘗與

何著帝京景物略畿輔唐志七十四奕正摭求事迹而何排纂成文以京

師東西南北各分城內城外而西山及畿輔併載焉生長京師平

生未出國門四庫全書提要八十七崇禎乙亥借伺取道金陵徧歷名勝歸

而疾作卒於旅舍周亮工書影五初于生夢與故人郭聖樸同入於壑聖

樸先客死秣陵者既而夢歸見母方滌鼎三指鼎耳問其環母答

兒無環矣寤告人曰三鼎士之祭母言得非兆耶死願擇秣陵一

邱地與聖樸同葬焉既卒何曰達哉于生雖然死歸附隴禮也遂

護其喪歸楊日補歸與治刻其遺詩數十章所著有天下金石志

大興張志

王愛字仁甫畿輔唐志七十四號涇谷大興張志宛平人畿輔唐志授潞安府推官

讞獄平允大興張志剛直不阿畿輔唐志雖忤權貴弗卹升戶漕以兌鹽往

浙江掃除積蠹歸給軍士布花覈虛濫者將萬人請銜望而心憐

由是以度支材著稱時邊事孔亟餼多虛大興張志當事欲核其實

顧請郎廉幹者莫如愛即以委之所至澄清查出浮寄至二十四

五萬當道擬以卿寺優愛愛不受乃出備兵陝西之鄜州兼理靖

邊值火落赤犯安甯諸處愛會杜松出方略邀斬二百七十有奇

鹵獲無算宛平王志先是獬賊聚於真甯大興張志為內亂謀愛親至其帳

馘渠首散餘黨眾無敢譁者一日過花馬池適敵踰牆而入見愛

麾蓋下馬羅拜曰不圖今日得見一大人宛平王志以是制勝之略聞

於朝野方晉右布政遂以疾卒愛德氣湛深大興張志學識淵博著有

史論息機圖集張輔唐志

崔玉乾固安人有宛平武某乘驛挾資南行遇一囊玉乾就拾之

而不覺揣知貨財也大聲招呼其人已前馳不及聞矣因取寘室

中秘不令家人知次年武回復過村已無意於復得矣玉乾方路

待之逢人輒語相與印證良是卽以原屢遷之武且驚且拜願與
平分玉乾笑曰若待爾來平分何如全得仍留一飯而去知縣訪
知覈實申詳本道旌之仍給冠帶優免終身差徭

固安陳志

紀汝清字廉卿自濟南再徙文安汝清天性篤孝年十五補諸生

陳仁錫孝行傳父病革日時值沍寒淚血凝冰水漿七日不入口抱尸偃

臥願以身殉家赤貧典身鬻田易木以葬茹素廬墓三年一日後

母復沾微疾汝清日侍湯藥衣不解帶嘗糞辨證刺指出血跪書

青詞五夜露禱祈減算以延母年夢神授藥母病得少間歲餘不

起汝清一痛遂絕良久方甦柴毀骨立如喪父時及襄喪事躬負

灰石親操舂鋪手龜足爾復廬墓所朝夕悲號歲值丁未河水暴

發文安漂沒無舟楫汝清乘葦桴奔父墓築堰爲防大堤潰決

羣墓盡壞獨汝清父墓賴此無恙人驚爲孝感

紀克家陳情疏

子克家官

泰安州知州盧質泣奏孝行奉旨紀汝清孝行可風照例建坊旌

表紀克家
陳情疏

王珍字元玉保定人崇禎二年貢生孝友端慈與人無疾言邊邑
居父母喪哀毀骨立三年不飲酒食肉丙子秋鄉試回至固安界
過

大清兵如風雨驟至伏匿禾中兩晝夜不得食有憐之者取田中
瓜啖珍擲於地曰君子不以冥冥墮行地主不在可攫而食之耶
庚辰授禹州倅時流寇猖獗燎原之勢不可救辛巳十月賊衆五
萬騎雲屯州城下四圍夾攻凡七晝夜忽城樓火起城中訛言賊
已入城守陣者皆潰城遂陷仗劍殺賊衆蜂擁亂砍珍被數十創
墮於城下膏血塗地弗自知也闖賊既入城知州吏目被殺賊盤
踞三日始去次日阜隸李文光徧覓珍於積屍中得之扶起視之

猶一息未絕負王家灌以燄水漸甦謂養月餘創口乃合撫按廉
其狀委署州篆時城內如洗所遺老羸無幾晝夜數驚農人廢業
米貴如珠賊勢益熾於殘破城池安置僞官使人來城下招降珍
拒之厲聞賊遂自率萬人復來攻城城內殘民不足二百聞風股
栗逃去者過半賊至不能防禦城破遂爲所執罵賊令珍跪珍怒
目不屈曰爾逆天殘民吾恨不礮汝萬段豈屈膝於爾耶聞賊自
起持刀斷其脛珍大罵不絕口遂被殺家人劉天祿先匿土穴中
獲免賊走始出掩其屍而歸初賊將再至劉天祿策之曰賊復捲
土而來此間守禦無人不如暫避河北猶可圖存不然死無葬地
矣珍因吾職司守土城亡與亡如可遷避偷生當如君命何噫烈

矣柴經國王
先生傳

賈應鶴字鳴皋永清人崇禎九年副榜性直諒任山東甯海衛經

歷凡利弊當興革者必請諸大吏不從則侃侃爭於前始以爲強
項及次第舉行皆有效乃益重之先有民婦蕭氏者夫婦饋食夫
暴卒家人以置壽訟獄成決有日矣應鶴至恐有冤復鞠之婦曰
夫死願就死泣涕不能言應鶴曰汝畏刑威誣服耳婦大哭平反
之上憲皆大駭應鶴據所讞願棄官伸婦冤卒得白擢行人司行
人告終養歸家居教授以孝弟爲先聞風者樂就之越四載親歿
植甲申之變聞莊烈帝已殉社稷卽具衣冠北面拜與家人訣曰
君亡國破何以生爲遺詩縣令絕粒而死時崇禎十七年三月二

十四也

永清
月志

宋一鶴宛平人爲諸生卽究心兵事崇禎三年舉人授教諭以薦
遷耶縣知縣加東昌同知巡按御史禹好善以一鶴知兵薦之授
兵部員外郎尋擢天津兵備僉事改飭汝南兵備駐信陽時熊文

燦總理南畿河南山西陝西湖廣四川軍務主招撫一鶴降其盜

魁黃三耀先後勦劇賊斬首七百有奇明史列傳有劉喜才者夜取順

義王首以降於一鶴明紀五十五總兵左良玉破賊李萬慶於張家林

七里河萬慶降殺寇紀七一鶴撫而定之者數萬文燦屢上其功進

副使調鄖陽文燦誅楊嗣昌代以一鶴能薦之擢右僉都御史明史

列傳代方孔詔為湖廣巡撫一統志時湖廣賊為諸將所逼多竄入四

川一鶴以雲南軍移鎮當陽中官劉元斌以京軍移鎮荊門相倚

角左良玉等大破賊於瑪瑙山一鶴敘功增俸遣副將王允成孫

應元等大破賊汝才五大營於豐芭坪斬首三千餘級嗣昌署一

鶴荆楚第一功明史列傳復移駐蘄州焚舟遏賊渡賊移而北一鶴又

斷橫江賊遂不敢渡畿輔傳志七十六十二年三月楊嗣昌自殺以丁啟

睿代為督師通鑑輯覽一百五啟睿破獻忠於麻城會一鶴及鳳陽總督

朱大典安慶巡撫鄭二陽蹙賊左金王老回回等於潛山懷甯山

中一鶴又督參將王嘉謨等追破左金王爭世王治世王於燈草

坪斬首千一百級明史列傳一鶴起鄉不十年驟秉節鉞廷臣不能無

忤又因其為楊嗣昌所薦疏詆益眾會以襄陽陷奪職戴罪十五

年李自成陷德安荆門一鶴以獻陵為重趨赴承天賊已驟至明

年正月承天陷一鶴自經死畿輔唐志先是左良玉軍擾襄樊一鶴疏

糾之既良玉自襄樊走承天軍饑而掠乞餉於一鶴不許良玉銜

之至是一鶴謀留良玉兵良玉走武昌故及於難明史列傳

王來聘京師人崇禎四年中武會試時帝銳意重武舉子運百斤

大刀者止來聘及徐彥琦二人而彥琦不與選帝下考官及監試

御史獄悉貶兵部郎二十二人明史列傳命中允方逢年倪元璐再試

逢年元璐以時方需才請殿試傳臚悉如文榜例明紀五分三甲

傳臚錫宴以前三十卷進呈欽定一甲三人來聘居首卽授副總

兵武榜有狀元自來聘始也來聘既拜命泣然流涕曰上重武若

此欲吾儕效命疆場耳不捐軀殺賊何以報上恩明年孔有德據

登叛官軍攻之久不下又明年二月明史列傳孔有德耿仲明等屢為

官軍所敗又糧絕有德先遁載子女財帛入海仲明以水城委副

將王忠亦以單舸遁官軍遂入大城水城未下游擊劉良佐獻轟

城策匿人永福寺中穴城置火藥發之城崩將士踊入輒為賊擊

退來聘復先登中傷而死明紀五十三天子惜之贈廕有加明史列傳

陳所聞文安縣舉人任山西文水知縣陞山東平度知州文安楊志崇

禎四年登州游擊孔有德反帝命總兵楊御蕃盡將山東兵討之

不利走入萊州綱目三十九二月己巳朔孔有德圍之分兵陷平度明紀

五十所聞自經死贈太僕寺少卿賜祭葬建祠廕子

本朝乾隆四十一年贈節愍綱目三編三十五

曹鳴鶚大興人綱目三編三十五 倜儻英偉大興張志 以勇敢稱官河南道中

軍守備畿輔唐志七十六 崇禎六年賊自邢臺摩天嶺西下抵武安林縣

綱目三編三十五 鶚率兵五百勦流賊數千賊糾黨數萬困鶚於趙寨鶚

血戰數晝夜矢盡馬踣猶裹創步鬪被執賊誘降不屈噴血怒罵

乃支解之畿輔唐志 事聞贈游擊將軍大興張志

本朝乾隆四十一年追諡烈愍綱目三編三十五

任之華字仲華大興人畿輔唐志七十六 豪放不羈棄文力武甲申傳信錄三 登

武科除昌平守禦畿輔唐志 未久即告歸甲申寇入喟然長歎告諸同

列曰我世受國恩誓不與賊共天日遂投縲堂右弟之封解之復

甦家人守護之垂淚無語至暮復踰牆自縊於鄰舍空室甲申傳信錄四

王盾懋字有懷霸州人崇禎進士一統志 授戶部主事以廉介稱畿輔

唐志七 由太原知府遷甯武兵備副使李自成既陷太原遣使說

降胤懋斬之與總兵官周遇吉一統志登陣固守礮擊無算唐志城

陷自縊死妻楊氏投井殉之一統志

張文炳字彥彪通州人崇禎七年與弟文輝同登進士授山東益

都知縣俗桀黠難治至則抑豪強保良善禁衛邸諸奄之以稱貸

尅民利者三年奏最將遷士民請留復任後擢吏部驗封司主事

歷文選司員外郎弟文輝官徽甯兵備道文炳工書法晚益工詩

著有彥彪近藝怡怡堂詩集子士壽通州高志

士壽字平格少為名諸生文行兼著甲申之變文炳奉父母將避

難先匿他所士壽留京邸都城陷賊徧掠搢紳家及士壽舍士壽

恐賊脅其家人拽大父母及父匿他所出謂賊曰我張吏部子笥

篋我主之任汝曹取勿誹也賊搜括僅中人產見士壽不為屈釋

之居數日又一賊繫去拷掠備至令舉戚黨有貲者以贖其死士
壽大呼曰終不以戀喘息累他人遂被殺先一日士壽知賊必不
釋已遺言致父母勿爲兒傷大父母春秋高傷兒恐爲大父母戚
文延聞其言慟甚賊退往殯之瘞張灣祖塋題墓石曰張孝子墓

通州
高志

紀克揚字令聞號六息文安人嗜讀書善屬文基登逸品諸陰陽
象緯卜筮占風岐黃之術無不諳究以至釋典道家之言多所訓
詁童年失恃至孝性成哀毀骨立父敦諭稍進餽粥事庶母殷懇
誠唯謹姊氏早孀迎與同居厚加卹養家世貲財悉以給庶弟田
宅奴婢等物俱自取下分唯攜圖書數十卷昕夕諷吟隱然有以
自命一時名流無不以偉器目之總角補弟子員才名甚盛累試
輒冠軍食廩餼大爲學使左光斗所賞識六七試不售怡然自處

益復肆力墳籍與瓦橋馬東航新城王申之詩文往來摭藻摛詞
不作天寶以後語時著迴文體六十四字縱橫讀之可得詩三百
六十首人咸服其綜密又構別業三楹陳列圖書與三子坐臥其
中將以終老無何賊氛日逼鐵騎連圍克揚毅然弗顧輒云丈夫
有命幸能壁間乞活讀書廬中不異恆昔城陷不屈遂遇害克揚
講學多年著述甚富兵燹散失所存麗軒文集論稿四書易經註

解

秦松齡贈中憲紀六息傳

劉廷訓字式伯通州人性謹厚好學

畿輔唐志七十六

以歲貢生選吳橋

訓導

明季北略十四

崇禎十一年

大清兵入畿內知縣李綦隆約廷訓出走廷訓止之

明史忠義傳

與堅

守三月初以偏師來輒引去既盡銳力攻綦隆縋城遁去廷訓入
學舍麾其妾趨出屬其稚孫名增者於所善僧隆貴介而趨南城

誓守者曰守死逃亦死曷若守死為滿城忠義鬼乎

明季北略十四

廷訓

腐儒惟舍身報國守者皆哭曰公死我等敢求活守三日夜炮盡

城陷

義輔唐志

大清兵肉薄而登如牆引射矢注衣甲血朱殷穴胸而出濡縷屬

於屨猶束胸拒戰連中六矢乃仆踰月其子發棺更殮面如生鬚

髯奕奕奮舉喪之歸也諸生數百道哭小民皆翦紙買漿以奠時

年六十有五

明季北略十四

國朝乾隆四十一年追謚烈愍

綱目三編三十七

周騰蛟香河人崇禎十三年以舉人除汜水縣知縣時河南流寇

方熾

歲輔唐志七十六

邑兵荒

明史忠義傳

或勸騰蛟毋往騰蛟曰君命也可

避乎之任

義輔唐志

撫字有術以其間釐定徭役民甚便之城孤懸河

畔縣人吳邦清等於城南立七砦相犄角摩天砦最險土寇李際

遇伺騰蛟往河北急據之遂攻縣城騰蛟力請於上救兵至始解
夫騰蛟念故城難守遷縣治於摩天砦以扼賊衝未幾賊大至相
持十餘日勢且不支砦臨河可渡以免騰蛟曰吾何忍舍衆獨生
明史忠義傳力竭城陷繫印於臂投黃河死賊去百姓求得其屍葬之

幾輔唐志

阮漢聞字太冲順天人讀書喜大節尤習兵家言著尉繚子解詰
戎踐墨諸篇萬歷朝出師援朝鮮敗於碧驥館漢聞方弱冠徒步
走遼東望黃龍鴨綠訪問形勢慨然有澄清之志幾輔唐志會解

嚴漢聞乃齋志而返及妖書事起上求其人甚急漢聞避跡汴梁

遇西亭王孫宛平王志一見卽延致邸中日飲以醇酒而出所藏祕書

俾盡讀之以此漢聞學益進西亭故好客四方知名士畢集門下
西亭等夷視之獨於漢聞有加禮呼爲先生而諸名士亦俱心折

漢間羣以阮先生稱之於是阮先生之名重河南北西亭死漢聞

鬱鬱不自得乃徙居尉氏聚徒教授唐志時有詔徵遺逸宛平志巡

按御史李日宣上其名不報唐志崇禎末流寇大起漢聞於是料

賊情形與山川阨塞為設伏防禦方畧圖上當事又見諸帥驕蹇

不用命大興張志憤恨日諸君婦人也婦人猶有自奮殺敵者唐志乃

取古婦女以武勇著編為女雲臺書以羞之大興張志及賊攻尉氏漢

聞已臥病猶據牀畫地為守禦方略賊聞其名下令必生致之城

陷被擒大罵不屈而死時年七十唐志

朱之馮字樂三號勉齋大興人明季北略三十案北學編云之馮名之奇字德正為諸生

時即見知於楊漣左光斗東林列傳天啟五年進士授戶部主事北學

推稅河西務課贏貲公帑無所私明史列傳時逆閹魏忠賢用事遣其

爪牙督理漕事勢張甚之馮略不為禮其人見之馮年少風骨稜

梭昨舌而去丁父艱歸里襄事後鍵戶讀性理諸書每言為聖人

之學舍此無由服闋

北學編三

起故官進員外郎坐望誤謫浙江布政

使理問稍遷行人司副歷刑部郎中浙江驛傳僉事青州參議

明史傳時海右戒嚴之馮率屬沿岸修治墩埃造甲仗火器

北學編三盜劫

沂水民株連甚衆之馮捕得真盜大獄盡解禽治樂安土豪李中

行權竄、請不聽進副使

明史列傳

齋表入京頓家屬於濟南俄城陷

東林列傳妻馮匿姑及子於他所而自沈於井姑李聞之為絕粒而死

樞還之馮廬墓側三年

明史列傳

母死以正月二日自是每元且守母

位啜粥飲水過十五日蓋痛母露骸半月方葬也

東林列傳

辛巳起補

山西副使以馮宜人節烈不復娶

北學編三

亦不置妾媵一室蕭然

明史列傳衣布茹素如廬墓時河東與秦豫接壤烽火無虛日之馮飭備

甚嚴宗室朱全字招納亡命焚掠村社遙與秦中賊通撫按以其

宗室不敢問之馮知廢并謝鳴進與善召之膝前諭以大義遂擒

全宇殺之馮當戎馬倥傯建河東書院與諸生講經史著在疚

記北學編三十六年正月權右僉都御史巡撫宣府明史列傳宣府去京師

不四百里而法令久弛兵將皆不習戰之馮至則劾庸懦補虛伍

史外十時坐明倫堂召諸生講學激發忠義東林列傳司餉主事張碩抱

以剋餉激變羣縛碩抱明史列傳之馮出即撫定誅首惡七人東林列傳劾

碩抱下吏軍情帖然明史列傳甲申春賊氛漸逼兵部主事金鉉上疏

謂宣府京師屏藩請亟撤內監掣肘專任之馮之馮忠勇必足辦

也不報東林列傳二月八日聞太原陷蔡懋德死之馮設位哭二月二

日聞甯武陷周總兵遇吉舉家巷斃死之馮歎曰此真男子也東林列傳

編三月大同陷之馮集將吏於城樓設高皇帝位歃血誓死守明史

列諭軍民毋聽賊誘東林列傳時宣鎮總兵王承允已潛遣騎齎降表

迎賊而之馮尙勞苦登陣中官杜勛見之馮叩頭請以城下賊之馮大罵勛不答笑而去俄賊且至勛蟒袍鳴騶迎三十里之外之馮登城太息見大礮語左右爲我發之默無應者自起蒸火則礮孔釘塞或從後擊其肘之馮撫膺歎曰不意人心至此仰天大哭賊從南門入言賊不殺人且免徭賦則舉城譁然皆喜結綵焚香以迎左右欲擁之馮出之馮叱之

明史列傳

曰離此一步非死所遂易

公服登北城樓縊死豫具遺疏勸收人心培節義收人心在愛民力愛民力在拔廉官又作書與金鉉別且戒子弟當讀經世書呂新吾呻吟語不可不讀疏上三日而都城陷之馮死時甲申三月十一日也

東林列傳

賊棄屍濠中犬日食人屍獨之馮無損

明史列傳

十四

日始有好義者收殮之

明季北路二十

福王時贈之馮兵部尙書諡忠壯

明史列傳子永慶

永慶字長源以字行大興諸生乙酉夏豫王下江南郡縣推長源
起義兵敗被執隸正黃旗儀宣府人姜納吾居長源修幹美髯侷
儻負氣節性佞佛嘗搭七條戒衣人目爲三教總持王聞而賢之
賜以婦人輒辭不受掌科楊某死於難夫人華墮德姬隊王嘗以
入德姬隊恣所擇長源旣聞楊夫人墮是院也遂弗辭見裏佛巾
者大言日子大興故殉難巡撫朱之馮子也熟視而自引其服曰
若道裝予亦道裝大興達毘陵程易與耳毘陵者華故里也以此
言徵動之華知其非常人欲資以上掌科墓也亦弗辭長源以歸
納吾家向夕華叩長源曰君脫難人于厄哀難人否長源曰爲全
夫人節非特哀之而已是時納吾伏童奴數輩偵兩人而長源據
椅誦佛燭且盡聲益高至曉聲不輟童奴報納吾異之不言抵夜

復令童奴再伺長源誦如初納吾又不言三夕伺之又復如初則
納吾晨興盥洗更衣候門啟抱長源足叩頭呼活佛徐曰君既不
近婦人何發疾此一受爲長源曰此搢紳婦吾非欲妻之欲完若
璧以歸恐機洩弗果吾願故且同室然非誦佛無以明心不意爲
君偵得幸爲我諱毋敗機事也納吾曰君誼動鬼神毋復夕夕苦
君爲治別室遣老姬侍楊夫人曰奉兩人如佛矣久之聞於王王
愈益賢長源召長源曰公誠異人吾爲公合浮屠尖趣長源令華
具書達毘陵以其母與其弟來王資送之還平江踰年長源示微
疾脚踏而化

史外二
十八

劉文炳字洪筠宛平人孝純劉太后姪也

一統志

祖應元娶徐氏生

孝純皇太后爲烈皇帝生母後封瀛國太夫人者也子效祖繼祖

效祖娶杜氏生子三文炳文耀文炤

史外
十三

帝卽位封效祖爲新樂

伯歷代名臣言行錄二十四崇禎八年卒明史外戚傳文炳嗣焉晉新樂侯母夫人

杜氏賢每謂文炳等曰吾家無功德直以太后故受此大恩當盡

忠報天子帝遣文炳視鳳陽祖陵密論有事上聞及歸奏史可法

張國維忠正有方略宜久任必能滅賊後兩人俱殉國難歷代名臣言行

錄文炳謹厚不妄交獨與宛平太學生申湛然布衣黃尼麓及駙

馬都尉鞏永固善時天下多故流賊勢益張文炳與尼麓等講明

忠義為守禦計及李自成據三秦破榆林將犯京師文炳知勢不

支慷慨泣下謂永固曰國事至此我與公受國恩當以死報十七

年正月帝召文炳永固等問國事二人請早建藩封遣永定二王

之國明史外戚傳一封山東以屏翰神京一封四川地險而富可以為

後圖上是之以內帑乏遲其行三月初八日聞闖賊李自成將逼

京師京營兵未議城守唯中府派分文武勲戚坐守京城內外皇

城諸門繼祖守皇城東安門文耀守外城永定門魏叔子文集十七文炳

以繼祖文耀皆守城未有職事十六日賊攻西直門勢益急尼麓

踉跄至謂文炳曰城將陷君宜自為計明史外戚傳家人環而泣繼祖

自東直門至與妻訣貯草薪所居樓下魏叔子文集又念瀛國太夫人

年篤老不可俱燼因與文炳計匿之明史外戚傳以文焯付蒼頭文焯

不肯去魏叔子文集十七十八日帝密召文炳及永固文炳白母曰有詔

召兒兒不能事母母拊其背曰太夫人既得所我與若妻妹死耳

復何憾文炳偕永固謁帝時外城已陷歷代名臣言行錄上曰能為朕一

巷戰乎兩臣對曰今止臣等親隨數騎耳其何以戰上曰至是耶

朕志決矣於是君臣相向哭續寇紀略補遺中上起二人趨出魏叔子文集文

炳歎曰身為戚臣義不受辱不可不與國同難明史紀事本末入十其女弟

適李年未三十而寡文炳召之歸與文耀擇一大井墜男女子孫

及其妹十六人盡投於內閉門令餘悉入樓積薪縱火焚之明季北略

二十出馳至崇文門永固射賊文炳助之歷代名臣言行錄 俄而賊大至

文炳願永固曰吾與君畢命此賊時黃尼麓在側曰滿城皆賊守

此何益當速歸焚府第也二人遂各馳去文炳至第火烈不得入

魏叔子文集 走省瀛國太夫人於申湛然家黃尼麓亦至曰鞏都尉焚府

自刎矣史外十三文炳頓足曰鴻圖先我耶將投井魏叔子文集 顧其影乃

戎服曰此軍容不可以見皇上下索冠服不得得他冠而小裂

之乃得冠遂投井死綴寇紀畧中 繼祖歸亦投井死初文耀見外城破

突出至渾河聞內城破復入見第焚大哭曰文耀未死以君與母

在今至此何生為遂覓文炳死所大書版井旁曰左都督劉文耀

同兄文炳畢命報國處亦投井死闔門死者四十二人明史外太戚傳

夫人以匿湛然家得全按明季北略云太夫人時年九十亦投井死與此互異 南都贈文炳

大師恆國公諡忠壯弟文耀贈太保諡忠果

明季北略二十一

鞏永固字洪圖順天大興人

明季北略二十一

尙樂安公主

一統志

爵駙馬

都督善騎射好詩工書

魏叔子文集十六

喜飲酒而樂與賢人名士游慷慨多大節

歸書容故高其價

史外十四

性喜讀書御史李清過書肆見皇明泳化篇命易

心誠之曰駙馬皆豪華自喜渠所好乃爾耶

疏請肄業太學帝褒答之

一統志

總督趙光抃以邊事繫獄特疏申

救又請復建文皇帝廟諡事雖未行時論譴焉

明史公

與新樂侯

劉文炳爲刎頸交都下稱成晚之賢者必曰劉鞏

魏叔子文集

甲申春

賊破宜大李邦華請太子南遷爲異議所格

明史公

永固入朝上

問救時切務永固說上南遷請衛馭以從力可召募義兵數萬寇

亂不難平也上曰義兵何易永固曰豈獨數萬果如臣策卽數十

亂不難平也上曰義兵何易永固曰豈獨數萬果如臣策卽數十

萬度可必致若徒守京師京師已玩弊久祗坐困無益也上不聽
 及寇逼外城上密召永固曰卿向說朕南行能集兵數萬今猶及
 乎永固曰今無及矣上曰卿尙言可致數十萬何乃云無永固曰
 暇日人易集今事急人心盡亂雖一卒亦難致也時新樂侯劉文
 炳並在上因言兩卿各率家丁護從南行可乎劉鞏並曰家丁何
 足以當賊鋒况臣家素謹不敢私蓄家丁甲申傳信錄三帝愕然永固曰
 臣等已積薪第中當闔門焚死以報皇上明紀五十七乃出日晡太監
 啟彰義門賊盡入外城陷永固射賊文炳及楊光陸助之殺賊數
 人明紀五十七文炳入告母永固匹馬至庭前著白戎服東弓矢見文
 炳下馬哭拜於地曰城內無守外無援吾輩世受國恩當自殺爲
 厲鬼殺賊耳特與兄訣吾當死信地卽馳去魏叔子文集十六欲從帝突
 圍出不得歸家殺其愛馬焚其弓刀鎧仗大書八字於壁曰世受

國恩身不可辱明季北略二十一見蒼頭在側曰汝留此何為對曰侍主

人死手摘所服戎帽金頂與之命取酒至以一杯北向爵地拜皇

上一杯酌公主自飲一杯曰此永固報陛下殿下時也史外十四時公

主已薨永固以黃繩縛子女五人繫柩旁曰此帝甥不可污賊手

綱目三編三十九盡取所賜古玩書畫環繞殯官縱火焚死然後自縊云

自列明季南都贈少師諡貞愍歷代名臣言行錄

國朝順治九年追諡忠烈綱目三編三十九

成德字元升先世晉之霍州人明成介愍公墓碑依舅氏占籍懷柔明史列傳

少倜儻負大志常以叔山自命墓碑為諸生時瑠燄熾嘗讀文文肅

公擊奸疏輒斫几狂叫心儀而足躡之明季北略二十二崇禎四年進士

畿輔唐志七十六原名張成德奉旨復姓明季北略二十二除滋陽知縣性剛介

清操絕俗明史列傳有廉能聲明季北略二十二文震孟入都德郊迎執弟子

禮部刺溫體仁體仁聞而恨之兗州知府增餉額德固爭又嘗捕

治其爪牙吏知府怒讓於御史再好善好善體仁客也誣德貪虐

逮入京滋陽民詣闕訟冤震孟在閣亦為之稱枉德道中具疏論

體仁罪明史列傳好善再劾德言其疏出震孟手帝不之究歷代名臣言行錄二

十四德母張伺體仁長安街繞輿大罵拾瓦礫擲之體仁恚疏聞於

朝詔五城御史驅逐移德鎮撫司掠治杖午門下坐贓六千有奇

畿輔唐志請戍榆陽而家寓居順義時

大兵破其城家人皆避入地窖父文桂曰豈有男女並入一窟中

乎終不以顛沛違禮兵至遇害妹及妾蕭氏童氏皆縊死後十日

德出獄至家一慟甫畢旋赴戍所而妾劉氏及女終以追賊逼死

於家明季北略二十四德居戍所七年用御史詹兆恆薦起知如皋尋擢

兵部主事德以母老三疏力辭不允畿輔唐志乃就道明史列傳轉車駕司

員外郎痛心時事以幼子夢來託同門友王重誓以身殉既受事

益究心戎略為國家桑土計明季北略二十二上言年來中外多故居官

者爵祿迷心廉恥道喪陛下御極十七年何仗節死義之寥寥也

宋臣張栻有言仗節死義之臣當於犯顏諫諍中求之夫犯顏諫

諍何難在朝廷養之而已表厥宅里所以伸忠臣孝子於生前殊

厥并疆所以誅亂臣賊子於未死苟死敵者無功則媚敵者且無

罪死敵者褒揚不亟則從賊者恬而不知畏也明史列傳上為之動容

明季北略二十二甲申三月寇圍京師即致書同年馬世奇曰主憂臣辱

我等不能匡救貽禍至此惟有一死以報國耳明史紀事本末八十質以慷

慨從容二義明季北略五十七未幾城破不知帝所在旁皇屬事已趨至

午門見兵部尚書張縉彥自賊所出德以頭觸縉彥且誓之俄聞

帝崩明史列傳梓宮暴露東華門德以雞酒哭奠梓宮前明史紀事本末八十觸

地流血賊露刃脅之不為動明史歸寓跪母張氏前慟哭

入母曰吾知汝意矣綬寇紀略兒為忠臣吾獨不能為忠臣之母

乎入室自縊死有妹年二十餘未嫁德顧之曰我死汝何依妹曰

兄死妹請前德稱善哭而視其縊明史然後自殺福王

時贈光祿卿諡忠毅唐志祀旌忠祠明季北略本朝賜諡介愍明

傳列

金鉉字伯玉其先武進人占籍順天之大興東林列傳祖汝升南京戶

部郎中父顯名汀州知府明史鉉少有慧質讀書目數行下北學

以聖賢自期許年十八舉鄉試第一歷代名臣言行錄二十四明年戊辰成進

士北學自以為不習吏事東林列傳改揚州府教授明史日集諸生講

濂洛之學燕居言行俱有規格被服造次居然老成人比之胡安

定東林列傳轉國子監博士陞工部主事北學帝方銳意綜覈疑廷臣

朋黨營私度支告匱四方亟用兵餉不敷遣中官張彝憲總理戶

工二部建專署

明史列傳

鉉曰此天下存亡之機也奈何誅一忠賢復

任一忠賢且我爲工曹必將屬視我矣乃抗疏言彝憲既有獨踞

之處必強二部郎官匍匐進謁挫士氣辱朝廷

史外

廉恥不可不

維浮費不可不惜不報

北學編

而總理已建署與其黨議接郎官禮

或曰視尙書當稍倨

東林列傳

果檄郎官以謁尙書儀注見鉉復上疏

固爭之且集諸郎官倡議曰職事可令掾吏移之吾曹有一人登

彝憲堂卽屬彝憲假子毋許入孔子廟室提吾靴擲腫其面辱之

朝堂於是諸郎官詣尙書各以公事出彝憲入新署扇導呵殿如

尙書闕堂皇南面據案黃衫緹衣列侍階下吏抱文書雁鷺行俟

命者左右數十百人而曹郎無一至者

史外

彝憲愠甚鉉當推稅

杭州辭疾請假彝憲撫火器不中程劾鉉落職

明史列傳

歸家居與弟

綜東林列傳閉戶讀書

北學編三

躬爨以養父母

明史列傳

自題所居曰獨菴專

讀程朱書

東林列傳

學日益邃或詢以宗旨正色曰日用躬行未之有

得何宗旨為

唐志

性至孝父嘗病衣不解帶者數月父卒於丹陽

號泣奔喪煢然骨立服除

北學編三

壬午冬上御文華殿命科臣舉清

官以孫承澤薦起鉉補兵部主事分守皇城

東林列傳

聞大同陷疏曰

宣大京師北門大同陷則宣府危宣府危則大事去矣請急撤回

中官專任巡撫不報

明史列傳

已而宣之迎賊者果中官杜勛也

明儒學案

京師陷痛哭急趨入朝見宮人狂奔知帝已崩解牙牌北向四拜

投金水河從者力挽之奮臂躍入死

通鑑輯覽

賊踞大內月餘始

去金水河冠袍泛泛見水上內官羣指之曰此金兵部也弟綜辨

其屍驗網巾環得鉉首歸合以木身如禮而殮事竣自經

明史列傳

初鉉巡視每過御河輒流連不能去卒後家人簡其書籍壬午晦日

讀邵子記其後曰甲申之春定我進退進雖遇時外而弗內退若

苦衷遠而弗滯外止三時遠不卒歲優哉游哉庶歿無世至是而

驗鉉曾問學於叢山明儒學案生平訥訥然如不出口篤志力行惟義

所在則千萬人不可奪真所謂學道人歟北學編三著有語錄傳於世

學者稱狷菴先生東林列傳福王時贈太僕少卿諡忠節畿輔唐志

本朝賜諡忠潔明史列傳

王承恩字君弼順天人為司禮監秉筆太監畿輔唐志七十六崇禎十五

年十一月壬申

大清兵分道入塞京師戒嚴命勳臣分守九門承恩督察城守明史

莊烈帝紀上屢夢神人書一有字於其掌中覺而異之宣問朝臣眾皆

稱賀謂賊平之兆獨承恩大哭羣臣愕然上亦驚問承恩曰皇上

赦奴婢不死始敢言上曰汝無罪直言無隱承恩奏日以奴婢推

之神人顯告我皇大明江山將失過半上詰之承恩叩首曰蓋有
字上半截是大字少一捺下半截是明字少一日合而觀之大不
成大明不成明殆大明缺陷之意神人示以賊寇可虞之幾願皇
上熟思之上不悻明季北十七年三月李自成犯關中命承恩提

督京營是時事勢已去城陣守卒寥寥賊架飛梯攻西直平則德

勝三門承恩見賊坎牆急發礮擊之連斃數人而諸璫泄泄自如

帝召承恩令亟整內官備親征明史日脯太監曹化淳啟彰義門

賊盡入外城陷羣奄皆降明紀五急詔承恩入與語語密外不得

聞頃之命酒同飲承恩泣曰受陛下深恩惟一死以報萬一帝微

服持槍命承恩從魏輔奪門不得出甲申傳是夕上不能寢內城

陷一闕奔告上曰大營兵安在答曰大營兵散矣上即同承恩幸

南宮登萬歲山望烽火燭天徘徊踰時回乾清宮明史紀事本天

末七十九

將贈鳴鐘集百官無至者

明紀五十七

遂仍回南宮登萬歲山之壽皇

亭自經

明史紀事本末七十九

承恩縊於側

明紀五十七

自成得其屍殮之

甲申傳信

錄福王時諡忠愍

本朝賜地六十畝建祠立碑旌其忠葬故主陵側

明史列傳

高時明永清人初名日升賜名時明十五歲入內庭熹宗朝掌內
官監印務侍經筵講官孫承宗謂時明日民間家塾朝夕考究猶
慮不熟今上縱聖明恭默無一問難臣下踏蹶而退何由熟也與
若約上問某句講官通俗細解啟發問難是在若等時明善之日
公欲致君堯舜請復午講何如格於東廠不果行時明亦求退杜
門不出懷宗入繼大統三召就命一日御批令票擬章奏時明日
票擬之權豈可假內官乎旨從中出萬世後有累聖德上弗聽時
明竟日不食上為感悟詔毀批時明日皇上御批臣安敢毀上書

純忠二字賜之後因病乞休甲申之變逆闖薄都城時明預令人厝棺於東廠城陷之日正衣冠拜天辭闕大書於堂壁曰司禮監掌印太監高時明率門下李繼善等合門死節三月十九日辰時書書畢臥棺中令蓋棺李繼善等十人環泣畢縊死舉火焚堂又其徒方正化者監保定軍拒賊衆寡不敵死李憲章守城死前後守節十二人逆遁後時明徒魏國徵等拾骸骨於灰燼中葬西直門外七十里九龍山容城孫奇逢表其墓

永清吳志

申湛然大興諸生與布衣黃尼麓新樂侯劉文炳駙馬鞏永固相友善四人者平居過從見時事日非相對輒潸然泣下李自成圍京師永固守皇城門文炳方在筵坐梨花樹下尼麓踉蹌入日賊攻西直門甚急門且破府中宜早爲計文炳乃急命弟文耀往託瀛國文夫人於湛然家及城破文炳永固同殉難湛然匿太夫人

甚祕爲細人所發賊執湛然拷掠備至堅不言賊怒乃置湛然於木杙上歷以礮石七竅流血死終不言太夫人所在尼麓亦坎填以死

叢輔唐志七十六

劉孝子德濱涿州人鴻臚寺鳴贊劉源汴子

甲申傳信錄七

以監生入國

子監

涿州吳志

流賊破京師按京朝官及選人諸籍悉名索之或走或

徒指蹤株引必獲而後已連繫毒笞以責貢獻號曰追賊又謂之淘物或立斃或賂而免或受其賂而又殺之方是時源汴名亦在索中德濱匿源汴他所而身自詣賊曰劉鳴贊卽我是也賊拷責數百德濱默無言久之度父已遠去乃奮起叱咤罵賊賊怒杖殺之而源汴竟行遜沒齒不出

錢儀吉涿州劉孝子傳

史可法字景之號道鄰大興籍祥符人

東林列傳

世錦衣百戶祖應元

舉於鄉官黃平州知州有惠政語其子從質曰我家必昌從質妻

尹氏有身夢文天祥入其舍生可法

明史列傳聰穎異常數歲時短衣

無火寒涕交頤然好誦讀受書輒求益數倍常見左光斗視學京

畿一日風雪嚴寒從數騎出微行入古寺廡下一生伏案臥文方

成草光斗閱畢即解貂覆生爲掩戶叩之寺僧則可法也及試吏

呼名至光斗瞿然注視呈卷即面署第一召入使拜夫人曰吾諸

兒碌碌他日繼吾志事惟此生耳可法爲人軀小貌陋不稱其衣

冠語不能出口然有大志好經世方畧

東林列傳

崇禎元年進士

明史列傳

初授陝西西安府推官時洪承疇才畧過人在陝大得民心可法

亦效之治聲日起召爲戶部雲南司主事厯員外掌戶科尋陞安

池兵備道轉江西右參議兼僉事協理勦寇軍務才望益著擢都

察院右僉都御史巡撫安徽廉公勤果信賞必罰將士皆爲用命

提軍數與賊戰賊輒奔潰當是時史都堂之兵號稱強在軍中與

士卒同甘苦臨陣以身先之矢必死所衣布袍徧書己姓名曰戰
歿後可易識也丁父憂讀書城外素冠麻經遇者不知其爲貴人
或竊聽其誦書朗朗多匡濟天下語亦不知其何書也

東林列傳服闋

起戶部右侍郎兼右僉都御史代朱大典總督漕運巡撫鳳陽淮
安揚州劾罷督糧道三人增設漕儲道一人大溶南河漕政大釐
拜南京兵部尙書參贊機務因武備久弛奏請更行八事十七年
四月朔聞賊犯關誓師勤王渡江抵浦口聞北都既陷縞衣發喪
明史列傳遂議立君風督馬士英者逆黨也主福王福王與東林有卻
欲資以傾正人翻逆案可法謂王有失德持不可而士英握重兵
與諸將深相結連營江上勢張甚諸大臣懼爲亂不敢違如士英
旨史外十八可法不得已乃以福王名告廟乙酉逆王於江浦丁亥百
官迎見於龍江關王素服角帶哭五月戊子朔王謁孝陵奉先殿

出居內守備府羣臣入朝王色赧欲避可法曰王毋避宜正受朝
議戰守可法曰王宜素服郊次發師北征示天下以必報讎之義
王唯唯明日再朝出議監國事張慎言曰國虛無人可遂卽大位
可法曰太子存亡未卜儻南來若何劉孔昭曰今日既定誰敢復
更可法曰徐之又明日王監國以可法爲東閣大學士入閣辦事
通鑑輯覽可法定營制如北都故事侍衛及錦衣衛諸軍悉入伍
一百十六操練錦衣東西兩司房及南北兩鎮撫司官不備設以杜告密安
人心又議分江北爲四鎮明紀五復奏請設督師於揚州節制諸
將舉朝方倚可法爲重而士英挾擁立功恣爲奸忌可法位出其
上迫腕肘欲不得逞遂擠之因言於朝曰史公任巖疆屢建奇勳
淮南士民仰史公盛德不啻如神明慈父今日之任舍史公其誰
可法曰東西南北惟君所使吾豈惜頂踵私尺寸墮軍實而長仇

敵願受命去史外遂請出鎮明史既啟行即遣使訪大行帝后梓

宮及太子二王所在明紀五奉命祭告泗鳳二陵上疏曰陛下踐

祚初祇謁孝陵哭泣盡哀道路感動若躬謁二陵親見鳳泗蓬萊

滿目雞犬無聲當益悲憤願慎終如始處深宮廣廈則思東北諸

陵魂魄之未安玉食大庖則思東北諸陵麥飯之無展膺圖受錄

則思先帝之集木馭朽何以忽邁危亡早朝晏罷則念先帝之克

儉克勤何以卒墮大業戰兢惕厲無時怠荒二祖列宗將默佑中

興若曩處東南不思遠略賢奸無辨威斷不靈老臣投簪豪傑裹

足祖宗怨恫天命潛移東南一隅未可保也王嘉答之名臣言行錄二十四

可法督師揚州也

本朝已定鼎燕京中原震疊諸將莫有固志四鎮惟黃得功忠勇

善戰而高傑故降將又爭據揚州失人心劉澤清劉良佐輩皆養

...

寇自重左良玉擁兵跋扈不奉朝命可法力支危疆經營軍務外史

十比

大清兵已下邳宿飛章告士英謂人曰渠欲敘防河將士功耳慢

弗省是為

大清順治之二年正月明史興平伯高傑進兵歸德許定國方駐

睢州明紀五傑至睢州為定國所殺部下兵大亂屠睢旁近二百

里殆盡變聞可法流涕頓足歎曰中原不可為矣明史於是大梁

以南皆不守衛允文承馬士英指疎謂可法士英即擢允文兵部

侍郎總督興平軍以分其權可法益不得展布明紀五四月二十

三日甲戌

大清兵渡淮如入無人之境二十四日

大清兵猝至揚州明季南可法檄諸鎮來援皆觀望不赴攻圍甚

急可法屢疏告警不應血書請援又不應史外知事不支召副將

史得成入相持大哭得成曰相國爲國殺身得威義當同死可法

曰吾爲國亡汝爲我家存吾母老矣而吾無子汝爲吾嗣以奉吾

母我不負國汝無負我得威泣拜受命可法復囑之曰吾死汝當

葬我於高皇帝之側其或不能梅花嶺可也復操筆書曰可法受

先帝恩不能雪仇恥受今上恩不能保疆土受慈母恩不能全孝

養適時不造有志未伸一死以報國家固其分也獨恨不早從先

帝於地下耳書畢付得威乃登陴指揮諸將城西北崩兵入史外

可法拔劍自刎不死一參將擁可法出小東門遂被執可法大呼

曰我史督師也遂殺之可法爲督師行不張蓋食不重味夏不箠

冬不裘寢不解衣明史督師所至凡有技能獻書言事者闕禮賢

館廩餼之翼拔真才備緩急史外年四十餘無子其妻欲置妾太

息曰王事方殷敢爲兒女計乎歲除遣文牒至夜半僦索酒卮人
報殺肉已分給將士無可佐者乃取鹽豉下之可法素善飲數斗
不亂在軍中絕飲是夕進數十觥思先帝泣然淚下憑几臥比明
將士集鞍門外門不啟左右遙語其故知府任民育曰相公此夕
臥不易得也命鼓人仍擊四鼓戒左右毋驚相公須臾可法寤聞
鼓聲大怒曰誰犯吾令將士述民育意乃獲免嘗子處鈴閣或舟
中有言宜警備者曰命在天可法死明史列傳得威旣被執乃曰我史
可法子也釋之急收可法遺體而天暑衆屍皆蒸變不能辨識痛
哭歸明年三月奉衣冠及笏史外十八招魂葬於揚州郭外之梅花嶺
其後四方弄兵者多假其名號以行故時謂可法不死云明史列傳
閻應元字麗亭順天通州人崇禎中明史列傳以吏員隸江南江陰縣
典史後輔唐志七十六十七年海賊顧三麻入黃田港應元往禦手射殺

三人賊退以功遷英德主簿道阻不赴

明史列傳寓居縣之東郊應元

爲人叢輔偉軀幹面蒼黑微髭性嚴毅

史外二有智畧好騎射其

居東鄉也率鄉勇一千以保一鎮順治二年

本朝大兵破江甯列城皆下

叢輔閏六月朔諸生許用倡言守城

遠近應者數萬人典史陳明遇主兵用徵人邵康公爲將而前都

司周瑞龍泊江口相犄角戰失利

大清兵逼城下

明史列傳勢危急明遇謂衆曰吾智勇不如聞君此大

事須聞君來則夜馳騎往迎應元應元投袂起率衆丁十四人夜

馳入城史外二請設高皇帝位勵衆以大義衆皆哭願以死効

唐志當是時城中兵不滿千戶纔及萬又餉無所出應元至則料尺

籍治樓櫓令戶出一男子乘城餘丁傳餐發前兵備道曾化龍所

製火藥箭貯堞樓勸諭巨室令日輸不必金出粟菽布帛及他物

者聽於是圍城中有火藥三百罍鉛丸鐵子千石他酒醅鹽鐵芻

藁稱足史外二將四門分堡而守城門用大木塞斷一人守一堞

如戰則兩人守之晝夜輪換十人一面小旗一銃百人一面大旗

一紅衣砲初間夜兩堞一燈繼而五堞一燈初用燭照繼用油又

以飯和油則風不動油不潑每堞上瓦四塊磚石一堆明季南

署甫定而外國合當是時

大兵薄城下者已十萬列營百數四面圍數十重引弓仰射頗傷

城上人而城上礮礮機弩乘高下

大兵殺傷頗眾乃架大礮擊城城垣裂應元命用鐵葉裹門板貫

鐵緝護之取空棺實以土障潰處又攻北城北城穿下令入運一

大石塊於城內更築堅壘一夜成會城中矢少應元乘月黑束藁

爲人竿一燈立睥睨間而城兵士伏垣內擊鼓叫噪若將縋城砍

營者

大兵驚矢發如雨比曉獲矢無算又遣壯士夜縋城入營順風縱火軍亂自相蹂踐相殺死者數千

大兵卻離城三里止營帥劉良佐擁騎至城下呼曰吾與閣君雅故爲我語閣君欲相見應元立城上與語劉良佐者故宏光四鎮之一封廣昌伯降

本朝爲總兵者也逸語曰宏光已走江南無主君早降可保富貴

應元曰某明朝一典史耳史外二死何足惜汝受朝廷封爵今日

反來侵逼汝心何心良佐慚而去明季南略九及松江破

大兵來益衆明史列傳八月望應元給錢與民賞月明季南略九令善詭者

曼聲詭之歌聲與刁斗聲相應竟三夜能

大兵既覘城中無降意攻愈急梯衝死士鎧冑皆鎗鐵刀鋒及之

聲鏗然鋒口爲缺礮聲徹晝夜百里內地爲之震城中死傷日積

巷哭相聞應元慷慨登陣意氣自若史外二夜巡城見有睡者以

箭穿耳軍令肅然二十一日明季南大雨如注至日中有紅光一

縷起土橋直射城西俄城陷

大兵從煙焰霖雨中蜂擁而上應元率死士百人馳突巷戰者八

所當殺傷以千數再奪門閉不得入度不免史外二至睢陽廟

奮聲大呼自沈於溪溪淺水不沒頂而劉良佐令軍中必生

致送拽出良佐見應元至躍起持之哭應元笑曰何哭事至此有

一死耳一卒持鎗刺之貫脛脛折踣地大呼速斫我不絕口遂死

之史外二子晞後以株連坐罪晞妻王死最烈乾隆間

賜應元諡忠烈道光十七年知州李宣範爲建專祠通州

米壽圖字青坪宛平人畿輔崇禎舉人授新鄉知縣一統土寇來

犯督吏卒破走之斬首千二百餘級明史忠義傳治甚有聲以禦賊功

擢南京御史義補唐志七十六十五年四月極論監軍張若騏罪言若騏

本不諳軍旅詔附楊嗣昌遂由刑曹調職方督臣洪承疇孤軍遠

出若騏任意指揮視封疆如兒戲虛報大捷熾光祿卿冒功罔上

恃鄉人謝陞為內援陞奸險小人非與若騏駢斬何以慰九廟之

靈會廷臣多糾若騏遂論死陞亦除名明史忠義傳先是廷臣請練邊

兵楊嗣昌定議宣府大同山西延綏甯夏甘肅固原臨洮遼東薊

鎮保定凡練七十三萬有奇明紀五十五擾民特甚壽圖疏陳利害又

言往時督撫多用京卿今封疆不靖遇卿貳則爭先推督撫則引

避宜嚴加甄別內外兼補明史忠義傳劾偏沅巡撫陳睿謨廣西巡撫

林贊貪劣罪帝皆納其言一統志十七年五月明史忠義傳馬士英擁立

福王薦用阮大鍼等朝政日亂壽圖抗疏論劾出按四川義補唐志時

川地已爲張獻忠所據命吏部簡堪任監司守令者從壽圖西行至則與督師王應熊總督樊一銜等聯絡諸將號召遠近漸復川南郡縣唐王立擢右僉都御史巡撫貴州

大清順治四年獻忠遣黨孫可望等陷貴陽壽圖出奔沅州十一

年沅州亦陷壽圖死之明史忠義傳案畿輔唐志云爲定南王

以順治十一年死於沅州據東華錄云九年七月偏沅巡撫報逆賊孫可望陷廣西省城定南王孔有德自縊則是時定南王已前死久矣安有爲定南王所執不屈死之之事今據明史死於孫可望陷貴陽時較確唐志誤也

黃鼎字惟梅父俞由欵遷京師遂爲大興人鼎生數歲不與羣兒嬉戲長治六經子史唐宋諸大家之言無不博貫世方尙速化皆以通經學古爲迂雅所好願若是初爲順天學諸生兄鼎中鄉試嫉之者謗其非士著遂業太學受知於李騰芳倪元璐月合太學諸生數百人謀以古今文彙輒居前效其文者率取上第而鼎終

不售時文震孟居政府考核天下人才元璐稱彊將薦之朝以疾去不果劉宗周金鉉李日宣蔡懋德雅重其人與之談論文章經濟以至性命之學輒窮日夜尤務細行舉動必以禮妻孥告不足顧而笑曰吾道固如是客滄州時潰兵薄城而軍夜縋城過箴曰犬吠聲如豹從火光中匍匐一夜走二百里抵某帥壁不為動以計劫之圍乃得解同行八九人迨歸止一二人耳甲申客萊州聞兵變避之勞山浮海幾沒平生著述書沒海水中既而歸省其兄弟或勸之科舉笑而不答將復往海上忽疽發於項三日死年四十九

王崇簡都門三子傳

崔子忠字青蚓一名丹字道母王崇簡都門三子傳順天府諸生魏輔志甚貧

都門三子傳好讀書尤深薰禮發為古文詩歌博奧奇崛非近世所有

魏輔志督學御史左光斗奇其才置高等食餼及累試而困慨然棄

去不復應試筆門圭竇冬一禍夏一葛妻疏裳布衣黽勉操作三

女讀書誦詩雖無終日之計晏如也都門三子傳先是子忠受業於宋

應登之門大興張志其弟應亨弟玖為同學應亨官吏部屬選人以干

金為子忠壽子忠笑曰若念我貧不出囊中裝餉我而使我受選

人金應亨愧謝魏輔唐志宋氏兄弟既貴為大官並不至其門平生不

修刺謁勢人當時貴人多折位願與之交皆逃避不顧都門三子傳二

三故人以文字過從談竟日不能去當天啟時聞豎魏忠賢用事

有國子生建議立祠太學約其同舍生生不敢顯絕子忠教生蓬

垢病臥以免士自四方來慕其人多謝不見人或尤之笑曰交游

盛而朋黨立東漢之季可鑑也後果有以復社植黨言者其智識

過人如此工圖繪為絕技都門三子傳所作許旌陽移居圖橫幅丈餘

人物怪偉較宋龔高士開所狀鬼物略殊然寄託之情一也微存錄十

人有欲得其畫者用金帛購之雖窮餓弗顧大興張志宋玖居諫垣數

求畫不應一日誘致邸舍子忠不得已與畫一幅出坐鄰舍使童

往取日樹石簡略尙須增潤玖與之子忠卽碎畫而去史可法自

皖撫家居畿輔唐志一日過崔見其蕭然閉戶晨炊不給大興張志解所乘

馬贈之徒步而歸子忠售馬得數十金呼朋轟飲一日而盡日此

酒自史道鄰來非盜泉也畿輔唐志爲人短小端筋雙目炯炯高冠草

履蕭然若在世外蓋其昌嘗謂其人文畫皆非世所常見年五十

病幾廢無何遭寇難都門三子傳潛避窮巷無以給朝夕有憐之而不

以禮者去而不就竟以餓死大興張志

王嘉猷順義人父孝先早喪母杜氏居孀嘉猷竭力耕耘以養其

母母素懼雷聲嘉猷夫婦每遇陰雨閉戶共侍於其側而母心始

甯凡遇陰期雖官差急務亦未嘗不舍而歸家以省其母也迨其

母歿葬於本縣龍王山側嘉猷因而言曰母在懼雷今母在野其
靈豈無懼乎儻有陰雨誰其事之誰其衛之遂爲廬墓計鄉親屢
阻之竟莫奪其志乃棄家築室於墓右獨居之日擔土數擔以固
其墓取薪於山汲水於河年餘墓前涌一泉其水甚甘始免遠汲
之勞人僉傳爲孝之所感云順義黃志 按嘉猷未知何時人因
與晉孝子王夏廬母墓護雷事相類
又與蜀旌陽漢孝子美詩孝
感涌泉同瑞故附錄於此

曹孝子廣摠字蘊菴大興人父國柄兵部左侍郎以廕補國子生
孝子生而穎異稍長就塾師學輒日記累千言因旁通經史諸家
之書性簡遠以盡倫爲己志先是從父觀察嶺南舟過鄱陽風濤
掀涌人爲色危孝子則安坐誦讀自若年弱冠則就楊商賢講求
性命之學制藝力宗先正手錄陳羅章艾之文以爲模楷無何母
病餌藥少効馴至跼困孝子旁皇失措悲嘯慘號心計所以救母

非鬻母遺體以進弗瘳也父憫其狀微言解慰之泣曰母儻不諱
兒何獨生乃陰割股肉烹炙之舉以進母母食之疾霍然頓愈孝
子大悅作止如常若無痛楚者祕其事不令人知家人亦無知之
者越二旬後驟感風疾獨隱而不言醫者亂投藥劑以致不起其
父母及妻妹弟輩推明厥故環泣籲天而終不可救遂歿年二十
有五然孝子雖至疾困了弗爲意易贊時父問以意作何光景但
指天指心曰胸中一團天理又曰死生之際殆難言之且自咎不
孝嗚薄葬示罰並念及骨肉師傅諸語皆不亂類有道人真能解
脫者

顧如華曹
孝子傳

顧仲禮保定人幼孤事母孝洪武中蝗起仲禮行田間泣曰食吾
苗何以養母俄疾風吹蝗去母歿仲禮年已六十廬墓三載

一誌

楊小兒永清人性至孝母病小兒剖肋下肉一片妻周氏亦剖臂

肉煎湯以進母病痊洪武中旌表畿輔唐志八杜輔薊州人父老且瞽

永樂初遼東兵攻陷薊州輔卽舍其妻負父而逃事平而回其妻

亦克保其身而歸薊州志張法保大興人永樂中爲金吾衛總旗祖

母病刲股煮汁以進獲痊後復病刲臂肉療之亦愈擢尙寶丞畿輔

唐志八十楊景薊州衛百戶其父以文守禦崖口失機論死景陳情請

以身代父得免薊州志周尙文東安人父目瞽以舌舐之復明後爲

樂昌訓導母喪歸葬廬於墓盜不敢犯一統志時值淫潦羣蛙墳墓

旁甚厭苦之曰何爲驚擾吾母明日蛙皆徙去東安志成化中旌表

畿輔唐志八張廣薊州人父病篤醫者言必得人肝和藥以進乃可愈

廣遂引刀剖腹剖肝和藥與父服之病卽愈廣亦復生人皆以爲

神異薊州志祝綸大城人父犯罪論死綸堅請以身代遂繫獄妻張

氏訴願代夫死當事義之量減綸罪又有大城廩生陳霖父敬稷

哀毀骨立時值土賊之變人皆逃避霖獨守墓不去盜稱其孝而遺之金帛又值境內大水霖守墓水止墓旁不沒人以為至孝所

感大城張志李秀薊州人父病祕結秀吮腸得通其兄無後遺產毫不

自私以之盡周貧族客有遺金全緘還之子二人皆成進士薊州沈志

張坤永清人嘉靖中父麒被誣死於戍坤幼甚痛父寃與弟訥相

對泣及長母歿遂棄家觸冒煙瘴卒尋父骸肩負以歸與母合葬

焉畿輔唐志袁璽寶坻人少孤事母孝娶王氏亦賢曲如璽意母患

痿痺夫婦朝夕侍側宛轉牀榻者十八年一日夫婦往場穫麥遺

米籬內雞豕踐食之母連叱不動忽下牀驅之步履如故迄百歲

乃卒又寶坻生員楊一訓嘉靖二十四年值兵變其母被執一訓

疾呼奔援力與賊格鬪賊殺之其母遂得脫按院以聞詔旌之寶坻

沈吳端御字宜僕宛平人畿輔唐志文思秀壯家貧屢試見斥遂絕

意進取買田於百花陀事母至孝母病冬月思甘蔗端御日夜涕

泣求之大興張志忽於山谷中得蔗數本奉母遂愈人以爲孝感所著

有織絢堂集畿輔唐志八十八歐俊薊州人父早歿繼母邵氏性最嚴俊得

其懽心母病爲母嘗糞改藥能痊後母亡遺子倫信俱幼俊友愛

甚篤延名師教之倫及信皆登仕薊州沈志裴成錦永清人幼孤不識

父而聞母言輒涕泣歲時伏臘必詣父墓哭奠母歿亦如之終其

身畿輔唐志八十八芮圖南寶坻廩生明末兵燹時不暇顧妻子急負母王

氏出走遇一兵被執不屈死之妻王氏聞姑與夫俱死遂挈一子

一女投於水寶坻洪志劉緋永清人崇禎丙子城陷父被執緋哀懇求

以身代敵感其誠俱捨之畿輔唐志八十八芮國大寶坻人廩生昌齡子明

末時闖賊入京師國大隨其父避難國大恐父被執冒鋒願以身

代死之父因得免寶坻洪志洪武時則有北平東安王重昌平劉驥兒

永樂間則有大興王萬僧奴明史三河密雲成仁密雲志

永清趙昇幾輔唐志天順間則有宛平龔然勝永清賈懋成化間則

有神機營指揮方榮一統志作大興人順天舉人萬盛武清柳芳宏治間

則有大興錢福宛平序班夏琮薊州孟振明史正德間則有大興

劉懷義通州左衛總旗孫雄明史昌平侯顯一統志永清右衛穆宏

嘉靖間則有通州歲貢生河南桐柏縣知縣呂棟通州高志涿州舉人

邳州知州潘滋涿州吳志隆慶間則有大興李彪萬曆間則有通州武

生苗必進通州高志天啟間則有寶坻芮浩張改寶坻洪志崇禎間則有通

州庠生楊定午通州高志寶坻薄敦復生員苑景瑞寶坻洪志香河崔光業

幾輔唐志又有薊州李致中李致和薊州沈志三河增廣生劉芳廩生李

棟三河陳志寶坻生員劉達寶坻洪志東安劉學光東安李志文安紀于蕃紀述

邢淵貢生李邦彥庠生周嵩文安楊志固安庫天才固安陳志大興張銳大興

張皆以孝行旌其門又有通州龍路馬昇潘應科通州良鄉魏賚高志

朱錦良鄉楊志香河宋玟田迎庠生楊鶚香河劉志三河誼于芳工部員外

郎李瑄妻張氏三河陳志東安魏邦才東安李志固安張墳齊綱固安陳志密雲

舉人安徽石埭知縣孔廷謨密雲薛志大城生員郭釗王潤王夢麒大城志

張張薊州敦本貢生山西平定知州李誌薊州沈志寶坻陳英寶坻洪志平谷

歲貢生山東齊河縣訓導王鼎平谷米志俱以孝行稱

程惟遠香河人父璋潞安廣文以文學稱惟遠樸茂負直節慷慨

好施與里中義舉無巨細皆與焉親故不贖者周之雖更貸必應

無吝色衆詫曰人負我緩不責償幸矣復爾爾得無過乎惟遠曰

彼急難不復告我我挾而難之不忍也疾革諭後人曰我生無他

長惟周急一節爾輩毋違遺訓盡焚所負券而歿香河劉志趙允昌涿

州人家貧以傭雇騎為生計有鬻妻媵家者給以歸甯雇昌驢行

數里其妻覺有變自顛下墜窘甚昌慰勸之入京投報國寺遇干

總洪宇告之故遂贖金如所鬻數贖之又賣妻為人妾者其人妻

極悍昌邀諸生王宅中等贖金贖之歸其夫涿州吳志武金曹璉張欽

皆泲縣庠生正統十四年英宗北狩也先以之去嗣遣使送還京

師震恐召募勇敢士三人素有義行憤然日何至被敵侮若是遂

應募也先使至都門恣意悉索三人勇拒之使恐乃馳去贈三人

國子生後金官處州府知府璉官撫州府知府欽官前軍都督府

都事通州高志案明正德時趙伋字季賓涿州人性耿直初游

國學祭酒徐階憫其貧使參司崇文門稅務伋日伋固貧饑猶

能自給如某生者貧甚請讓若階義之聞於上上命監中作樂三

日以宣其賢仍勒石紀其事後官絳縣主簿以廉介著涿州吳志郝勳

字孟立涿州人舉嘉靖丁酉鄉試以母老躬耕奉養不赴銓選及

母歿廬墓三年不至私室修族譜立譜訓以教親遜族人化之共

爨者不析各爨者復合同居至二百餘口一時稱為義門畿輔唐志八十

劉萬里密雲人廩生嘉靖二十九年兵變友人聶鏞全家遇害僅

存幼子緒萬里收養之教之讀書補弟子員乃為授室萬曆六年

祀鄉賢密雲薛志郝永清人服田為業性誠樸自奉儉約好施與歲

饑託為貿易以訪貧民周以衣食有被德而莫知其姓字者問之

則飄然去其厚德類如此永清吳志余之祥字鳳梧宛平人畿輔唐志八十賦

性剛方於書無所不讀大興張志父仕彰德教授雅慕山游祥備肩與

飭具竭力以娛父心兄歿躬親殯殮學使校士漁陽已及期親友

促之去不聽畿輔唐志八十竟因兄喪過勞感暑疾而卒大興張志著有易統

旨詩經宗旨四書宗旨要言其妻陳氏孀居四十五年壽八十宛平

米郗雙保涿州人兄以旅店為業有解妖賊者宿其家賊夜逸去志

兄坐罪論死雙保時年十三請以身代遂棄市兄收葬之其後裔

為立碑云義祖郝雙保墓涿州吳志馬奇薊州生員學問賅博與兄章

友愛甚篤章有疾奇親供藥餌昏夜不寢告天願損己壽益其兄

及章亡奇哭之喪明而終薊州沈志褚時中通州庠生性剛直尚氣節

萬歷間州試多冒籍時中呈於當事請查禁知州銜之以他事羅

織時中戍死御史馬經綸曰時中義士也以無辜戍戍且死故築

虛墓招魂以葬並表其墓石通州高志康永錫字荷九父西泉由廣甯

衛移徙通州世襲通州衛指揮永錫誠謹醇厚有善行中年未舉

子崇禎五年置妾孟氏詢其有故夫以貧而鬻立遣還之未幾生

子二長莊順治十一年舉人官兵部主事次政康熙十一年拔貢

生官陸平教諭通州高志韓惟城通州庠生性耿介無絲毫苟取崇禎

間巡檢差役解官項入京遺公卿及所齎銀雜城得於渡所候其

來覓役果涕泣奔至訊實還之役得免罪

通州高志

朱光祚涿州人闖

賊破京師賊衆入採括富室金拷掠慘酷光祚與兄延祚糾義勇

士王樂善張應斗等晝夜密計推諸生朱萬祺爲首衷甲厲兵而

出遇賊黨李書吏者拔刀直前斫之急趨賊所殲其類無遺率衆

登陣固守會闖賊薄城下張應斗發西洋礮中賊黃蓋闖賊驚墜

馬怒甚誓破城必盡屠之而

大清兵追至賊奔散涿州得全

涿州吳志

王政行字次泉昌平州人崇

禎中官守備里居甲申三月莊烈帝后既殉社稷梓宮暴露僞符

下州令葬時州皆僞官庫藏如洗政行與署吏目省祭官趙一桂

及監生白紳庠生孫繁祉義士劉汝樸王汝樸徐魁李某鄧科趙

永健劉應元楊道等十人各傾資得錢三百五十千啟田如壙宮

奉安帝后以如柳爲帝柳出募西山口居民擔筐舁土築塚修垣

復率鄉耆奠祭悲號聲震陵谷後輔唐志八十其同居敦睦者則成化間

霸州秦貴七世同居宏治間密雲李瑀明史孝義傳舉人光祿寺典簿

李機五世同居密雲丁志大城李大任五世同居大城張志皆旌曰義門定

邊衛韓鵬六世同居明史孝義傳涿州楊誠八世同居又有涿州張增

七世同居宋五六世同居鄉人均稱為義門云涿州吳志其同懷義讓

者則有涿州貢生鄭安涿州吳志其鞠養遺孤者則有嘉靖間平谷張

景春平谷朱志涿州楊尙信涿州吳志崇禎間通州諸生吳承錫通州高志皆以

義稱其輸財助官賑濟者則有正統間通州耿從通州高志天順間涿

州顧真正德間涿州楊謙涿州吳志萬厯間順義楊惟孝明史孝義傳密雲

王倉王度劉啟元劉士登劉自仁蔡士迎鄭守卿張元度諸生薛

天培密雲薛志其施德好義者則有嘉靖間平谷王英平谷朱志天啟間通

州工部文思院副使王可成工部郎中董中行通州高志涿州陳佐李

光代

涿州吳志

香河庠生李維新張應捷

香河劉志

蘆州姚鎮雄賈敏劉淮

王時可貢生孫育豪生員賈國賓

蘆州沈志

固安劉九功

固安陳志

張銓別號衡宇良鄉人性孝友蚤失怙恃事諸兄嫂如父母諸兄

歿撫姪猶子及孫曾同居如故宗族鄉黨無間言自奉至儉素而

於恤孤濟難助婚殯死諸事則罔不竭力厚施甲子歲里胥張姓

者有負於官至賣妾鬻子償之銓代為完納使得復聚而絕口不

道若惟恐人知者丙子兵變有甯得城郭世松等誤拾軍營遺牛

兵官視為奇貨所求不遂將殺之銓出資以贖其死戊寅兵馬雲

集食不克給銓出穀五百石草三萬束有司列之奏章得旨給敘

庚辰歲凶人相食銓煮粥賑之

王無咎張公銓墓志銘

以存活者不可勝計

遣人收拾遺骸作大壙數處埋之後連歲被兵得脫皆有天幸嘗

遇亂兵夾道弗之見值盜勒馬向之百方不前乃免又山行失足

臨萬仞溪適一石橫出應手援挽而留人以爲厚德所致良鄉甲

申

大清定鼎有司重銓德望數行徵聘銓力辭不就曰堯舜在上亟

宜攀鱗附翼奈暮年善病得爲太平民足矣墓志子錫卿字調鼎

恩貢生甲申之變適他出崗寇掠人比餽痛心曰吾家有素封之

名吾父定羅其毒急歸省視果然慨然曰吾父七十老叟何堪逮

問我願以身代之及受刑夾木折繩絕終無怨言久之乃釋良鄉

次調鼎舉賢良謁選山東陽信縣令銓勉之曰忠君愛民此日將

見之行事矣壬午冬陽信不守殉之訃至銓曰吾兒忠君報國得

死所矣既奉旨褒卹贈如其官墓志

樊夢斗字北一號文成文安人高祖瑀成化甲辰進士筮仕浙川

令爲刑部曹郎日逆瑾用事平反主事安奎獄面折瑾因忤旨酷

暑跪正陽門三日會瑾敗轉四川順慶府知府稱名臣夢斗少穎敏年十二補博士弟子員於書無所不讀著中庸講義原性道究天人精義洞微桐城左光斗見之曰此洙泗真傳也崇禎七年鄉貢廷試第二人時國家孔棘自以累世受君恩且才可濟時上書闕廷請爲國家効力封疆奉旨報可將授職矣無何以內艱歸慟哭出都門跣行三百里至京舉人王膺其姪壻也殉寇難遺孤呱呱夢斗收養之使與子翰同寢食學同師姊貧無倚生死周恤不遺餘力論者以爲內行純篤彷彿陽亢宗云邑中築城濬河復役鹽鐵諸大議人所畏憚不敢言者輒言之鑿鑿可見諸行事其屯海八議侍御吳某稱爲經國碩畫將上之朝會亂不果甲申之變俯仰唏噓遂絕意仕進攜家入桐柏山中偕二三老友攀枯藤捫蒼壁翠屏玉女龍潭石川號淮源勝地無不窮極幽絕詩成放歌

呼白慨然有超世之概病中遺命子翰曰死即葬我山中百歲後
樵採茲土者指某山某水為隱君樊某游釣賦詩處足矣所著有

駐槎亭詩集

湯斌樊文成傳

楊潔號蓮修先世固安人流寓永清遂家焉父官閩中潔為閩產
父卒數歲始自閩歸途次遇湖山勝境輒吟嘯流連人擬之鐵崖
子歸後廬舍田園悉為族黨侵蝕潔介然不與爭食戚舊日以
詩畫自娛晚歲構草草堂數椽僅蔽風雨潔處之泊如也永清
進士劉詩橋為草堂歌以紀之永清馬志齊汝漢字冲字涿州人居家
孝友不願仕進嘗築別墅於房山之東郭外竹石花草皆手自位
置性尤愛菊以晚節自名其園後以壽終涿州吳志王業隆字居敬永
清人庠生當明末造作忠烈攷二卷上自帝后下及甲申殉難諸
臣參考羣籍各繫以詩多掩抑悲涼之作餘詩八卷蟲魚剝蝕不

可讀進士劉伯堦得諸親舊家殘篋中云永清周志馮賢涿州人有學
行隱居不仕棲於房山北之釣魚臺著有釣魚集壽百三十歲而

終涿州吳志

華陽吳祖椿校